

**Toro, Biabia na Kanage kam bek - Pes 16**

**Ati Wabiro kalabus - Pes 7**



The Easy Way To Promote Your Business

**HIGH QUALITY, BEST PRICE IN PNG**

**Business Cards**

**K132 inc. GST** \* 200 SINGLE SIDED COLOUR CARDS

**K220 inc. GST** \* 200 DOUBLE SIDED COLOUR CARDS

\* PRINTING ONLY - DESIGN NOT INCLUDED  
\* COLLECTION AT 4PM NEXT DAY (MON-FRI) FROM APPROVAL OF DESIGN / RECEIPT OF PRINT READY FILE.

Only at... **THEODIST LTD** THE STATIONERY SUPERMARKET

Waigani Drive, POM Ph:313 9800 sales@theodist.com.pg

Markham Road, LAE Ph:472 5488 saleslae@theodist.com.pg

# Gavman stabiliti i stap

**PRAIM Minista Peter O'Neill i bin winim bek sia bilong em taim Palamen i bin kirapim vot i nogat bilip egensim em long las wik Fraide.**

Total namba bilong ol memba husat i makim Mista O'Neill i kamap Praim Minista em i 85 memba na 21 memba bilong Oposisen i bin les long em i kamap praim minista.

Mista O'Neill i tok Gavman stabiliti em i wanpela namba wan samting we kantri i nidim long larim gavman i pinisim gut dispela tem bilong Palamen, na tu long kamapim strongpela faundesem bilong groim ikonomi bilong kantri.

Nesenel lleksen bai kamap long Jun neks yia na Gavman i gat 10-pela mun tasol long sekim sapos gavman i kisim gutpela samting long Alotau Akot polisi ol i bin kamapim long yia 2012 taim ol i kamapim O'Neill-Dion Gavman.

Mista O'Neill i tok bung bilong ol memba long Alotau las wiki bin kamap long gutpela talm bikos gavman i laik lukluk bek gen long ol polisi bilong gavman i stap aninit long Alotau Akod.

Alotau Akod i tok long Gavman bai kirapim transport infrastraksa olsem rot na bris, sip bris na ples balus.

Gavman i luksave olsem ol dispela samting i save helpim

ikonomi bilong kantri long kirap. Fri edukesen, fri helt sevis, daunim pasin no gut o asua bilong lo na oda, na ikonmik developmen em ol sampela bikpela polisi bilong gavman i stap long Alotau Akot.

Mista O'Neill i tok Gavman i amamas bikos Alotau Akod i karim planti gutpela kaikai insait long sotpela taim tasol.

"Yumi gat planti nupela rot na bris, fri edukese na fri helt, planti investa i kam insait long kantri, na gavman i ranim gut kantri," Mista O'Neill i tok.

Mista O'Neill i makim ol nupela minista long Kabinet long larim gavman i ranim gut kantri taim dispela tem bilong Palamen i laik pinis.

Mista O'Neill i strongim sait tu olsem olgeta alegesen bilong em i stap long kot na kot yet bai stretim.

Oposisen Lida Don Polye i tok ol i

amamas long vot i nogat bilip i bin kamap, maski Oposisen i bin sot long namba long rausim Mista O'Neill.

Mista Polye i tok dispela i soim stretpela rot bilong ranim Pala-

men, na Suprim Kot i mekim gutpela disisen long larim Palamen i sindaun na kamapim vot i nogat bilip.


Em i tok Oposisen i stap long sekim sapos gavman i ranim kantri gut o no gat.

"Mipela i laikim Gavman i no ken mekim pasin korapsen. Mipela i laikim Gavman long bihainim lo na pasin demokresi i mas kamap," Mista Polye i tok.



**Wokabout long helpim biknem redio man...**

**PINIS LAIN:** 11-pela meri husat i wokabout long Kokoda Trek long Sarere 16 Julai i kam kamap long pinis lain long Owens Corner long Sogeri long Sarere 23 Julai. Dispela wokabout i bilong bungim mani bilong helpim Roger Hau'ofa long kisim helpim long kidni bilong em long bikpela haus sik long Singapore. Poto Nicky Bernard



**BOOK ONLINE ANYTIME ANYWHERE**

**BOOK ONLINE NOW & PAY LATER**

within 48 hours at your nearest Air Niugini Sales Office.

Call Toll Free on **180 3444** or contact your nearest Air Niugini Travel Centre or Travel Agent.

**Air Niugini**   
www.airniugini.com.pg

# Senis i kamap long Kabinet

**NESENEL Eksekutiv Kaunsil (NEC) i mekim sampela senis na makim 4-pela nupela minista long larim Gavman i ran gut na politikal stabiliti i stap long kantri.**

Praim Minista Peter O'Neill i tok taim kantri i lukluk go het long 2017 Nesenel Ilek-sen, politikal stability em i wanpela namba wan samting we gavma ni nidim long mekim wok.

Long larim politikel stabiliti i stap long kantri, Mista O'Neill i makim Memba bilong Talasea, Francis Marus, i kamap nupela Minista bilong Haia Edukesen, Risets, Sains na Teknoloji.

Em i makim Memba bilong Madang, Nixon Duban, i kama gen Minista bilong Petroleum na Eneji.

Malakai Tabar, husat i Memba bilong Gasel, bai kisim ples bilong Mista Duban olsem nupela Minista bilong Transpot na Infra-straksa.

Mista O'Neill i makim Memba bilong Usino-Bundi, Anthon Yagama, i kamap nupela Vais-Minista bilong Pablik Entaprais na Stet Invesmens.

Mista O'Neill i tok em i bilip strong long ol dispela nupela minista long mekim wok na

sevim pipel bilong dispela kantri.

"Planti gutpela samting i kamap long oil na ges indastri long kantri bilong yumi na ekprens bilong Nixon Duban olsem Minista bilong Petroleum na Eneji bai hari-apim ol projek olsem P'nyang, Papua LNG na Stanley Gas Projek long Westen Provins," Mista O'Neill i tok.

Mista O'Neill i tok em i bilip long save na eksprens bilong Mista Marus, husat i fit long kamap Minista bilong Haia Edukesen, Risets, Sains na Teknoloji.

# Namah i no wanbel long Spika

MEMBA bilong Vanimo-Green, Belden Namah, i no bin wanbel long Palamen Spika Theo Zurenuoc i no givim inap taim long ol memba long Gavman na Oposisen wantaim i dibet na toktok moa long as bilong kirapim vot i nogat bilip.

Suprim Kot i bin tokim Palamen long sindaun gen na larim vot i nogat bilip egensim Praim Minista Peter O'Neill i kamap long plua bilong Palamen.

Oposisen i bin kisim i go long kot, as bilong kamapim vot i nogat bilip.

Mista Zurenuoc i bin givim taim long Memba bilong Kavieng, Ben Micah, Gavana bilong Morobe, Kelly Naru, Fainens Minista James Marape na Deputi Oposisen Lida Sam Basil tasol long toktok taim Palamen i bin sindaun long las wik Fraide moning.

Mista Namah i laik sanap na toktok tasol Spika Zurenuoc i no givim taim long em long toktok, na em i bin belhat na singaut strong long Spika i mas givim moa taim na larim ol memba i dibet.

"Mi laik toktok moa long as tru bilong dispela vot i no gat bilip. Yumi inap long

toktok moa long plua bilong Palamen tasol mi no wanbel long Spika i no givim sampela moa taim," Mista Namah i tok.

Em i tok PNG na wol i mas save long wane mol asua Praim Minista O'Neill i gat na as bilong kirapim dispela vot i nogat bilip long em.

Spika Zurenuoc klostu i rausim Mista Namah i go ausait na em bai no inap vot, tasol Mista Zurenuoc i isi long em na tokim em long sindaun na daunim level bilong singaut bilong em.

Lukluk go bek gen long poroman bilong O'Neill na Namah, tupela lida i bin stap wantaim na ranim gavman long Ogas 2011 i go inap Jun 2012.

Long Ogas 2, 2011, Mista Namah i bin pasim tok wantaim Mista O'Neill na Memba bilong Kandep Don Polye (Oposisen Lida) long kisim sia bilong Gren Sif Sir Michael Somare, husat i bin stap praim minista long dispela taim.

Tupela Suprim Kot re-frens i bin painimaut olsem Mista O'Neill wantaim Mista Namah i no bin bi-



Belden Namah

hainim lo stret long kamapim nupela gavman, na makim tupela yet i kamap Praim Minista na Deputi Praim Minista.

Mista Polye na Mista Namah i bin sapotim Mista O'Neill i kamap Praim Minista, maski Suprim Kot i no luksave long Mista O'Neill olsem praim minista long tupela kot disisen.

Mista Namah i bin kamap Deputi Praim Minista na Mista Polye i bin kamap Minista bilong Fainens na Treseri aninit long dispela liklik taim O'Neill-Namah Gavman i bin pairap namel long Ogas 2011 na Jun 2012.

Nau Mista Namah na Mista Polye i stap long Oposisen na i wok long mekim planti toktok egensim Praim Minista O'Neill.

## Yangpela lida no ken brukim lo

NAMBA wan Praim Minista na papa bilong PNG, Gren Sif Sir Michael Somare, i laikim ol yangpela lida long bihainim Mama Lo na arapela lo bilong dispela kantri.



Gren Sif Sir Michael Somare

O'Neill na em i muv i go long sait bilong Oposisen.

"Mista O'Neill i brukim planti lo bilong dispela kantri, na mi laik salensim ol yangpela lida long no ken bihainim dispela kain stail bilong lidasip," Sir Michael i tok.

Tupela pastaim praim minista, Sir Julius Chan na Sir Mekere Morauta, i bin harim i stap long taim Sir Michael i mekim dispela toktok.

"Mitupela Sir Julius i no save wanbel long olgeta samting, tasol mitupela i save bihainim Mama Lo na ol arapela lo

bilong kantri," Sir Michael i tok.

Em i tok PNG em i demokretik kantri na ol pipel i mas gat fridom long autim tingting bilong ol sapos ol i lukim sampela samting i no stap stret.

"Pasin demokresi na rul ov lo em i namba wan samting long kantri bilong

yumi. Yumi mas bihainim lo na ranim dispela kantri na lukautim manmeri gut," Sir Michael i tok.

Sir Michael, husat bai lusim politiks na bai no inap sanap long ileksen neks yia, i givim dispela salens toktok i go long ol yangpela lida bilong dispela kantri.

NATIONAL Youth Development Authority (NYDA) i wok long mekim planti gutpela samting long senisim laip bilong ol yangpela manmeri bilong dispela kantri.

Wanpela bilong dispela gutpela samting bai lukim ol yangpela man, husat i stap nau long haus kalabus long Bomana i mekim musik long CHM Supersound Studio long Pot Mosbi.

NYDA i givim dispela sans long ol yangpela man i stap long haus kalabus long singsing egensim mariwana, hombru na arapela pasin nogut insait long komyuniti bilong yumi.

Dairekta Jeneral bilong NYDA, Norit Luio, i tok CHM i givim K10, 000 long sapotim dispela program na i givim rekoting kontrak tu long NYDA long givim i go long ol kalabus man.

Dispela rekoting kontrak bai larim ol yangpela man long Bomana haus kalabus i katim namba wan albam bilong ol aninit long CHM Supersound Studio.

"Mi laik tok tenkyu long CHM Group long givim dispela K10, 000 sponsasip na rekoting kontrak," Mista Luio i tok.

Mista Luio i kisim dispela mani na kontrak pepa i kam

long CHM, na givim i go long Komanding Opisa bilong Bomana C1 kalabus, Suprintenden Haraha Keko.

Mista Luio i tok planti ol yangpela manmeri long kantri i gat save long mekim ol gutpela samting tasol ol i save nidim helpim.

"Mi amamas tru long CHM i kam insait wantaim dispela bikpela helpim. Em bai senisim laip bilong ol yangpela man husat i stap long kalabus," Mista Luio i tok.

Suprintenden Keko i tok ol woda opisa long Bomana haus kalabus i wok long helpim ol kal-

abus man long lusim pasin no gut na senisim laip.

Mista Keko i tok musik i save senisim laip bilong sampela kalabus manmeri.

"K-Dumen em i wanpela ben grup we lid singa bilong dispela ben em i bin wanpela kalabus man," Mista Keko i tok.

Em i tok em i wok long singim planti gutpela singsing, we dispela i bin helpim em long glasim laip bilong em yet na lusim pasin nogut.

Eksekutiv Produsa bilong CHM Supersound Studio, Brenden Chin, i tok dispela patnasip bai karim gutpela kaikai.

# Kot no ken mekim wok bilong Palamen

PASIN bilong skelim pawa namel long Kot na Palamen i no ken kamapim birua namel long tupela institusen bilong gavman, Gavana bilong Morobe, Kelly Naru, i tok.

Gavana Naru i autim dispela strongpela toktok long las wik Fraide taim Palamen i bin sindaun long votim gen Praim Minista taim Oposisen i bin kirapim wanpela vot i nogat bilip egensim Peter O'Neill.

Dispela bung bilong Palamen, we 85 memba i bin makim gen Praim Minista O'Neill, i bin spesel bikos Suprim Kot i bin tokim Palamen long sindaun gen na larim vot i nogat bilip i kamap.

Tasol Mista Naru i toktok strong long Suprim Kot i no ken kalapim banis na i kam insait long wok bilong Palamen.

Pastaim Mista Naru i bin autim tok long niuspepa olsem em bai no inap votim wanpela man bikos em i bihainim toktok bilong ol pipel bilong em long provins.

Tasol long taim bilong vot stret, Mista Naru i bin sanap na mekim wanpela strongpela toktok na Palamen i bin harim gut dispela toktok bilong em.

Mista Naru i tok Mama Lo bilong kantri i givim tok klia olsem i gat tripela gavman i stap, em ol Eksekutiv (Nesanel Eksekutiv Kaunsil o NEC), Palamen (Lejislesa), na Kot (Judiseri).

Dispela em i tripela gavman we Mama Lo bilong kantri i givim tok orait long stap olsem gavman na long larim kantri i ran gut na ol pipel i stap gut.

Mista Naru i tok Mama Lo i tok tu olsem kot i no ken mekim wok bilong Palamen, o Palamen i no ken mekim wok bilong Eksekutiv Gavman.

Wanpela samting ol i kolim Doktrin ov Sepere-sen ov Pawas i skelim wok bilong ol wan wan gavman, na i gat banis i stap.

Mista Naru i tok dispela disisen bilong Suprim Kot, we i bin tokim Palamen long sindaun gen, em i no stretpela disisen bikos Kot i brukim banis na kam insait long mekim wok bilong Palamen.

"Kot i no ken tokim Palamen long sindaun. Wanem taim long sindaun na wanem samting long mekim long Palamen em i wok bilong Palamen yety bikos Palamen i bihainim Mama Lo na arapela lo long mekim bisnis," Mista Naru i tok.

Em i tok Palamen i mas askim kot gen long kamapim wanpela judisel rivi long rausim dispela kain disisen bikos em i no gutpela long kamapim olsem wanpela mak long bihain taim.

Mista Naru i tok wok bilong Palamen em long mekim lo blong kantri na wok bilong kot em long toktok moa na tanim tok long ol lo we Palamen i save mekim.

# O'Neill ranim gut kantri

**PALAMEN i bilip strong long gutpela lidasip bilong Praim Minista Peter O'Neill na ol i makim em i kamap gen Praim Minista bilong PNG.**

Eksen na pasin bilong planti ol Memba bilong Palamen long las wik Fraide taim Vot i Nogat Bilip i kamap i soim olsem pipel bilong dispela kantri i laikim Praim Minista O'Neill long stap yet olsem praim minista.

Dispela em i toktok bilong Fainens Minista James Marape, husat i Lida bilong Gavman Bisnis na Memba bilong Tari-Pori.

Mista Marape i tok Oposisen i westim taim long kirapim dispela vot i no gat bilip bikos dispela sindaun bilong Palamen i westim mani we gavman inap long yusim long mekim arapela ol gutpela wok long sevim pipel bilong dispela kantri.

"Pawa bilong pipel we ol i givim long ol lida bilong ol i tok aut long plua bilong Palamen olsem pipel i laikim Mista O'Neill long stap yet long sia bilong Praim Minista na givim moa sevis long pipel," Mista Marape i tok.

Em i tok PNG i bin gat planti o praim minista bipo tasol Praim Minista O'Neill em i wanpela gutpela lida, husat i wok long givim planti gutpela sevis long pipel na ranim gut dispela kantri.

Mista Marape i tok gavman i mekim planti gutpela samting long kirapim dispela kantri na senisim laipstail bilong manmeri bikos em i ples klia planti nupela ples balus, sip bris, nupela kolta rot, nupela klasrum na haus sik, na ol samting bilong kirapim ikonomi i stap gut tru aninit long lidasip bilong Praim Minista O'Neill.

"Fri edukesen em i wanpela namba wan polisi bilong gavman. Fri Edukesen i helpim planti ol papamama bikos gavman i peim skul fi bilong ol pikinini insait long dispela 4-pela yia," Mista Marape i tok.

Fri helt sevis em i narapela gutpela sevis we gavman i kamapim long helpim ol manmeri long kisim hai kwaliti fri medikel sevis insait long kantri.

Dispela polisi i lukim planti ol manmeri long kantri bilong yumi i gat sans long go kisim fri medikel na helt sevis long ol haus sik bilong gavman insait long kantri.

Long sait bilong ikonomi, Mista Marape i tok ol prais bilong oil na ges, gol, kopa, silva, na nikel i save go daun na go antap tasol gavman bilong PNG i no save kontrolim dispela ol prais long intanesenel maket.

"Gvaman i no kontrolim dispela prais bilong oil na ges. Em i wanpela samting we yumi mas save gut. Gavman i no save kontrolim ol prais long intanesenel maket," Mista Marape i tok.

Em i tok Praim Minista O'Neill i mekim planti gutpela samting insait long sotpela taim tasol na dispela i soim olsem Mista O'Neill em i gutpela praim minista husat i fit long senisim dispela kantri i kamap gutpela ples long larim yumi olgeta i amamas na kisim benefit long gutpela samting gavman i mekim aninit ong lidasip bilong Mista O'Neill.

Em i tok ol Oposisen i mas wetim 2017 Nesanel lileksen long winim planti sia, na kamap Praim Minista long dispela taimn sapos ol pipel i bilip strong long lidasip bilong ol na givim pawa long ol.

## Mekere no ken toktok long politiks

**PRAIM Minista Peter O'Neill i les long harim wanpela toktok i kam long pastaim Praim Minista Sir Mekere Morauta.**

Mista O'Neill i tokim Sir Mekere long stap isi olsem wanpela bikpela senia man bilong kantri, na i no ken pilaim politiks bikos em (Sir Mekere) i risain pinis long politiks, na i no moa stap long Palamen olsem memba o gavana.

Sir Mekere i lusim politiks na nau em i stap siaman bilong PNG Sustainable Development Program Limited (PNGSDP), tasol em i wok long sanap strong long ol nesanel isu bilong kantri, na toktok strong egensim Praim Minista O'Neill na gavman i no ranim gut ikonomi bilong kantri.

Long Las wik, Sir Mekere i bin sapotim Oposisen long rausim Mista O'Neill. Ol pastaim Praim Minista Gren Sif Sir Michael Somare na Sir Julius Chan tu i bin sapotim Oposisen long rausim Mista O'Neill



**Gutpela taim bilong Sir Mekere na Praim Minista Peter O'Neill**

olsem praim minista.

Paias Wingti tasol i bin sapotim Praim Minista O'Neill, husat i bin winim dispela vot i nogat bilip we Oposisen i bin kirapim long las wik Fraide taim Suprim Kot i bin tokim Palamen long sinduan gen.

Sir Mekere i bin tokim Praim Minista O'Neill long step daun na lusim sia bilong praim minista bikos planti samting long kantri i no stap stret aninit long lukluk bilong em.

"Mi bin wok wantaim olgeta

praim minista bilong dispela kantri. Mi bin sevim Peter O'Neill tu. Tasol Mista O'Neill em i wanpela kain no gut praim minista mi bin wok aninit long em," Sir Mekere i tok.

Mista O'Neill i tok taim Sir Mekere i bin stap Praim Minista bilong PNG, planti samting i no bin stap gut long kantri, na ol pipel i bin les long em.

"Sir Mekere i bin stap Praim Minista taim, em i bin tokim polis long sutim ol sumatin. Em i bin daunim sais bilong ol pablik sevan long kantri, na planti ol manmeri husat i bin sevim gavman long longpela taim, i bin lusim wok bikos long no gut disisen bilong Sir Mekere," Mista O'Neill i tok.

Em i tok Sir Mekere i bin pasim tok wantaim BHP Biliton long larim dispela kampani i abrusim kot long bikpela bagarap Ok Tedi main i bin mekim long Faly Riva, we bus, gran na wara i bin bagarap.

Mista O'Neill i tok Sir Mekere i no ken giamanim ol manmeri long Westen Provins long ol toktok long Ok Tedi Main na mani bilong PNGSDP.

"Gavman i winim tupela kot long Amerika na Singapore. Mani i stap long PNGSDP em i mani bilong ol pipel bilong Westen Provins na pipel bilong PNG," Mista O'Neill i tok.

Sir Mekere i tok O'Neill i bagarapim kantri na daunim ikonomi bilong PNG bikos aninit long lukluk bilong em, kantri i sot long mani long ranim gavman, no gat wanpela saplimentari baset i kamap, foren risev i pundaun, na gavman i wok long kisim planti dinau mani.

"Praim Minista O'Neill em i no gutpela praim minista bikos em i ranim kantri long laik bilong em yet, em no bihainim lo na em i no putim laik na tingting bilong ol pipel i go pas," Sir Mekere i tok.

## SMART SOLUTIONS FOR SMALL BUSINESS

"With the **BSP Smart Business Package**, I offer the right mix of payment options for my customers; **EFTPoS, Mobile and Internet Banking** and I use a **Smart Business Debit Card** for my supplier payments.

Plus, the Smart Business current account provided transaction records that were used to support my **BSP Smart Business Loan** application to help me expand my Business."

**Helen Victor**  
Owner of Zoenani Gas Ltd  
BSP Smart Business customer



WE ARE **BSP**

# Isouve laikim ol polis long holim strong lo

ASISTEN Komisina bilong Kraim, Victor Isouve, i laikim ol polis long holim strong lo long stret pela rot. Ol i mas no ken sapotim ol lain husat i brukim lo maski sapos ol i wantok o poroman bilong ol.

Em i tok olgeta pipel i stap aninit long lo na ol polis i mas holim strong dispela lo.

Dispela toktok i kamap bihain long ol i salim wanpela tim husat i save mekim wok painimaut long Alotau, Milen Be Provins, long skelim wanpela wari we ol i no bin mekim wok painim aut gut bipo.

Dispela tim bilong mekim wok painim aut i bin go long Alotau na holim pasim na sasim polisman, Danly Kotapu, bilong Alotau Pablik Sefti Yunit, aninit long 3-pela astingting long seksual penetresen long Kriminal Kod Ekt.

Ol i bin tok olsem namel long Julai 6, 2015 na Ogas 19, 2015, difeden i bin slip wantaim wanpela yangpela meri long tripela hap long Goilanai Singel Polis Bareks taim meri i no tok orait.

Meri i bin ripot long Alotau Polis Stesen Seksual Ofens Skwat, tasol em i no amamas bikos ol i bin skruim wari bilong em inap long wanpela yia, na ol i ripotim dispela wari long Polis Investigesen Yunit (PIU).

Bihain long ol i bin mekim wok painim aut long planti taim, ol i bin painim aut olsem bipo wanpela polis meri i bin harim dispela wari i no bin mekim wok painim aut gut bikos man husat i bin brukim lo em skwat poroman bilong em.

Wari i bin kamap klia tu olsem ol stori bilong witnes,

medikol ripot na ol narapela strongpela evidens em polis-meri i bin kisim pinis, tasol taim ol i bin askim em, em i no laik long harim dispela wari.

Man husat i bin brukim lo em ol i bin kisim i go bilong askim em na sasim em. Em i stap insat long Alotau Koreksenen Sevis kalabus long Gilili na wetim taim bilong em long sanap long kot.

Isouve i stopim dispela kain pasin bilong man i brukim lo olsem polimeri husat i harim dispela wari.

“Mipela i gat sain bilong lo long holim strong dispela lo,” Isouve i tok.

“Wok painim aut tim bai go gen long Alotau long sasim dispela polis meri long man i bin brukim lo na i stopim wok painimaut.”

## Dylan i gilti long kamap papa long polis gan

WANPELA man Buka, Scott Dylan, i bin go long kalabus bihain long Waigani Nesenel kot i bin painim aut olsem em i gilti bikos em i brukim lo long holim wanpela bikpela gan bilong polis, sampela bulet na tupela polis yunifom.

Ol i bin saspek long wanpela senia polis opisa i no bin bihainim lo na givim dispela gan, ol bulet na yunifom long wanpela man nating, bilong em i ken redim sekyuriti long wanpela praivet kampani.

Difeden i tok strong olsem em i wanpela risev polis, tasol em i no risev polis na i gilti aninit long tripela astingting. Em i gliti long putim polis yunifom we ol i no tok orait na holim gan na bulet i no gat laisens long em.

Long wankain taim, ol polis ditektiv i sasim senia polis opisa husat i bin givim ol gan na bulet.

Victor i tok olsem, Komisina bilong Polis, Gari Baki, i tokaut klia olsem dispela yia em i yia bilong disiplin na lukluk gut long ol opisa husat i brukim lo na kamapim pasin nogut.

## Polis i bin sasim wanpela man long braibri

POLIS long Manus i holim pasim wanpela saspek na sasim em long em i wokim pasin braibri o givim mani long wanpela polis opisa.

Saspek, Bill Paran, i gat 48 krismas long Tinguviles long Tetidu Lokal Level Gavman (LLG) long Lorengau, Manus Provins.

Ekting Provinsal Komanda Senia Inspekta long Manus, David Yapu, i tok, ol Kriminal Investigesen Divisen opisa bilong em i holim pasim Yapu long Seksual Penetresen.

Long taim ol polis i mekim wok painimaut, saspek i bin givim K190.00 long polis opisa husat i mekim wok painimaut na tokim em long lusim kes bilong em long em i ken go fri.

Namba wan Konstabol, Markson Gamui, em i OIC/CID long Lorengau i bringim dispela wari i go long opis bilong Provinsal Polis Komanda (PPC) na PPC i tokim ol long mekim wok painimaut long dispela wari. Ol i holim pasim dispela saspek na sasim em long braibri.

Ekting PPC long Manus i givim tok oda ol opisa bilong em long mekim wok long stretpela pasin.

Yapu i tok, mama lo bilong kantri i makim ol polis opisa long ol i mas mekim wok long stretpela rot na strongim polis fos.

Em i tok dispela em i wanpela eksampol long wokples. Yapu i strongim ol Polis Opisa long lukautim ol pipel na komyuniti wantaim stretpela pasin na profesenel we.

## Micah tok sori long ol yangpela lida no ranim gut kantri

MEMBA bilong Kavieng Ben Micah i tok sori long ol yangpela lida bilong dispela kantri PNG, i no ranim gut kantri.

Mista Micah i makim maus bilong ol yangpela lida, husat i stap long Oposisen sait, na salim tok sori i go long ol pastaim praim minista bilong dispela kantri.

Mista Micah i bin mekim dispela toktok long las wik long ai bilong Gavana bilong Is Sepik, Gren Sif Sir Michael Somare, Gavana bilong Nu Ailan, Sir Julius Chan na Siaman

bilong PNG Sustainable Development Program Limited (PNGSDP), Sir Mekere Morauta.

Sir Michael, Sir Julius na Sir Mekere em ol tripela pastaim praim minista bilong PNG, husat i bin toktok strong egensim Praim Minista Peter O'Neill i no ranim gut kantri na ikononi i wok long pundaun.

Mista Micah, husat i bin Minista bilong Petroleum na Eneji long O'Neill-Dion Gavman, i makim maus bilong moa long 20 memba bilong Oposisen husat i

bin bung long Laguna Hotel long Pot Mosbi las wik long rausim Mista O'Neill.

Tasol namba bilong gavman i strong yet. Mista O'Neill i kisim sia bilong em bek na i ranim gavman.

“Mi laik makim maus bilong ol yangpela lida. Na mi tok sori long mipela i no save askim save, tingting na eksprens bilong ol senia lida bilong yumi olsem Sir Michael, Sir Julius na Sir Mekere,” Mista Micah i tok.

Em i tok ol dispela pastaim praim minista i save bihainim lo bilong kantri na rispekim pipel tasol Mista O'Neill i no save long lo.

Mista Micah wantaim ol memba bilong Oposisen i bin givim 4-pela bikpela pik i go long dispela ol tripela papa bilong kantri.

Wanpela pik ol i bin givim long Paias Wingti tasol em i bin stap wantaim Praim Minista O'Neill long Alotau.

Mista Micah i tok ol yangpela lida i no save kisim tingting na edvais toktok bilong ol senia lida na dispela i lukim planti samting i no kamap gut taim ol yangpela lida i laik ranim kantri.

Sir Julius i tok Sir Michael tupela i no save wanbel long olgeta samting long wok gavman tasol tupela wantaim i save pret long brukim lo bilong kantri.

“Mitupela Sir Michael i no save wanbel long olgeta toktok na olgeta samting. Tasol sait bilong lo, mitupela i save bihainim lo long mekim olgeta samting.

“Lo i stap na yumi i stap olsem wanpela kantri. Sapos i no gat lo, dispela kantri bai no inap stap gut. Long dispela as, mi laikim ol yangpela lida long bihainim lo bilong dispela kantri,” Sir Julius i tok.

## Samarai- Murua bringim akwital ripot



Memba bilong Samarai (namba 2 long hankais) i bringim ol akwital ripot bilong DSIP/SP bilong 2014-2015.

SAMARAI- Murua distrik long Milen Be provins em i narapela distrik long bringim ol fainensel ripot bilong Distrik Sapot Gren na Distrik Sevis Impruvmen Program (DSG/DSIP) i go long Dipatmen ov Implementesen na Rurel Developmen pinis.

DSG na DSIP akwital ripot i bilong 2014 na 2015 tasol ol i no bin hariap long kamap bikos ilektoret i no bin gat lida bihain long Memba, ileksen win bilong Gordon Wesley long 2012 i bin go long kot ov ritens.

Taim memba Wesley i kisim sia bilong em bek, em i tok olsem ol ripot bilong 2014 DSG akwital ripot i no bin kamap long taim bikos em i wok long paik long kot long stretim

win bilong em long ileksen. “Stat long yia 2012 nesenel ileksen distrik i bin stap long ol ileksen petisen inap Mei 2016 taim ol i stretim wantaim bai ileksen,” em i tok.

Wesley i tok dispela hevi i bringim bikpela hevi long ol gavman sevis i go long distrik.

Distrik i bringim ol akwital bilong 2014 DSIP long DIRD long Me 2015, tasol Milen Be Provinsal Edministresen i bin stopim olgeta peimen long June 2015 bikos long wok painimaut long ol fainens bilong distrik.

“Em i stat long mun Me inap Oktoba 2015 taim ol i bin kirapim nupela Distrik Developmen Atoriti. Ol


hevi we edministresen i bin bungim em i bin kamapim rotblok long ol akwital ripot i kamap,” Wesley i tok.

Em i tok, maskim distrik i bin bungim sampela hevi, em kamapim wanpela bikpela rot bilong bihainim long menesim ol mani, em long kirapim DDA.

Em i tok, Samara-Murua distrik em long ol ailan na em i hat long bringim ol sevis.

“Mipela i tromoi bikpela mani long stretim rot long biringim ol sevis i go long ol pipel,” em i tok.

Wesley i tok long taim DDA bod i kirap, em bai lukluk long ol wok bilong en long mekim ol i bihainim ol wei bilong wok.



**Wantok niuspepa i laikim ol eijen insait long Madang, Kimbe, Kundiawa, Wewak, Jiwaka, Tari, Kiunga, Tabubil, Daru, Kerema, Manus, Kavieng na Alotau long salim niuspepa bilong mipela.**

**Mipela i laikim ol Eijen long distributim niuspepa long dispela ol ples antap hariap tru!**

Sapos yu ting yu em rait man o meri long dispela wok, ringim Sekulesen Supavaisor bilong mipela long Fon: 325 2500 o Mobail namba: 7384 6688 o email i kam long: seovo@wantokniuspepa.com



# PIH Saveman Nius

“I kam long Pacific International Hospital Port Moresby”

Ph: 311 3000 and 799 88000 Website: www.pihpng.com

## KIDNEY STONES AND MODERN TECHNIQUES TO RESOLVE THEM



**Kidney stones (renal lithiasis, nephrolithiasis) are small, hard mineral deposits that form inside your kidneys. The stones are made of mineral and acid salts. Kidney stones have many causes and can affect any part of your urinary tract — from your kidneys to your bladder.**

Often, stones form when the urine becomes concentrated, allowing minerals to crystallize and stick together. Passing kidney stones can be quite painful. The consumption of ample fluids helps facilitate the passage of kidney stones, but even with plentiful fluid intake, most people require some type of medications for pain control. In other instances — for example, if stones become lodged in the urinary tract or cause complications — surgery may be needed.

The symptoms of kidney stones can include:

- a persistent ache in the lower back, which is sometimes also felt in the groin – men may have pain in their testicles and scrotum
- periods of intense pain in the back or side of your abdomen, or occasionally in your groin, which may last for minutes or hours
- feeling restless and unable to lie still
- nausea (feeling sick)
- needing to urinate more often

than normal

- pain when you urinate (dysuria)
- blood in your urine (haematuria) – this may be caused by the stone scratching the kidney or ureter

### What Is Lithotripsy?


Lithotripsy is a medical procedure used to treat certain types of kidney stones and stones in other organs, such as the gallbladder or the liver.

Kidney stones occur when minerals and other substances in the blood crystallize in the kidneys, forming solid masses (stones). Stones may consist of small, sharp-edged crystals, or smoother, heavier formations that resemble polished river rocks. They usually exit the body naturally during urination.

However, sometimes the body can't pass larger formations through urination. This can lead to kidney damage. People with kidney stones may experience bleeding, severe pain, or urinary tract infections. When stones begin to cause these types of problems, your doctor may suggest lithotripsy.

### How Does Lithotripsy Work?

Lithotripsy uses sound waves to break up large kidney stones into smaller pieces. These sound waves are also called high-energy shock waves. The most common form of lithotripsy is **extracorporeal shock wave lithotripsy (ESWL)**.



Extracorporeal means “outside the body.” In this case, it refers to the source of the shock waves. During ESWL, a special machine called a lithotripter generates the shock waves. The waves travel into the body and break apart the stones.

ESWL has been around since the early 1980s. It quickly replaced surgery as the treatment of choice for larger kidney stones. ESWL is a non-invasive procedure, which means it doesn't require surgery. Noninvasive procedures are generally safer and easier to recover from than invasive procedures.

Lithotripsy takes about 45 minutes to an hour to perform. You'll likely be given some form of anesthesia (local, regional, or general) so you don't experience any pain.

After lithotripsy, stone debris is removed from the kidneys or the ureter (tube leading from the kidney to the bladder) through urination.

### How to Prepare for Lithotripsy

It's important to tell your doctor about any prescription drugs, over-the-counter medications, or supplements you take. Certain drugs such as aspirin, ibuprofen, or blood thinners (e.g., warfarin) can interfere with the blood's ability to clot properly.

Your doctor will probably ask you to stop taking these medications well before the procedure. However, don't stop taking drugs you've been prescribed unless your doctor tells you to.

Some people have lithotripsy under local anesthesia, which numbs the area to prevent pain. However, most people have the procedure under general anesthesia, which puts them to sleep during the procedure. If you're going to be under general anesthesia, your doctor may tell you to not drink or eat anything for at least

six hours before the procedure.

If you're having ESWL under general anesthesia, plan for a friend or family member to drive you home after the procedure. General anesthesia may make you drowsy after lithotripsy, so you shouldn't drive until the effects have fully worn off.

### What to Expect During Lithotripsy

Lithotripsy is usually done on an outpatient basis. This means that you'll go to the hospital or clinic on the day of the procedure and leave the same day.



Before the procedure, you'll dress in a hospital gown and lie on an exam table on top of a soft, water-filled cushion. This is where you'll remain while lithotripsy is performed. You'll then be given medicine to sedate you and antibiotics to fight infection.

During lithotripsy, high-energy shock waves will pass through your body until they reach the kidney stones. The waves will break the stones into very small pieces that can easily be passed through the urinary system.

After the procedure, you'll spend about two hours in recovery before being sent home. In some cases, you may be hospitalized overnight. Plan to spend one to two days resting at home after the procedure. It's also a good idea to drink plenty of water for several weeks after lithotripsy. This will help the kidneys flush out any remaining stone fragments.

### Risks of Lithotripsy

Like most procedures, there are some risks involved in lithotripsy. You may experience internal bleeding and need a blood transfusion. You can develop infection and even kidney damage when a stone fragment blocks the flow of urine out of the kidneys. The lithotripsy can damage the kidneys, and they may not work as well after the procedure. Possible serious complications may include high blood pressure or kidney failure.

### Long-Term Outlook for People with Kidney Stones

The outlook is generally good for people with kidney stones. Recovery may vary depending on the number and size of the stones, but lithotripsy can usually remove them completely. In some cases, however, additional treatments may be needed. While lithotripsy works very

well for most people, there's a chance that the stones will return.

PIH is Port Moresby's largest private hospital offering more than 14 specialties under one roof, with specialists and technologically advanced equipment being utilized to bring modern healthcare to PNG. PIH has a specialist for Internal Medicine as well as regularly

arranging for **INTERNATIONAL UROLOGIST** to fly down to Port Moresby to offer consultation to people suffering from such problems. Do call us at 79988000 for any query that you might have. You can also email us at info@pihpng.com

*The information is available for educational purposes only. Seek the advice of your doctor in respect to questions on a medical condition or treatment and do not disregard the doctor's professional advice after reading information.*



**LITHOTRIPSY: MODERN, EFFECTIVE & NOW AVAILABLE TO THE PEOPLE OF PAPUA NEW GUINEA**

PIH IS THE ONLY HOSPITAL IN PNG TO OFFER THIS REVOLUTIONARY MEDICAL TECHNIQUE

Kidney Stone Removal	Prostrate Removal	Any Urological Problems
----------------------	-------------------	-------------------------

PIH is inviting an international specialist in Urology to meet the people of PNG

**Limited Slots. First Come, First Serve Only. Call us today to pre-book your appointment.**

**Pacific International Hospital** : Sec 105, Lot 2, Taurama, 3 Mile, Port Moresby, PNG, Ph: 799 88 000

**PIH Clinic** : Ground Level, Vision City Mega Mall, Waigani Drive, Port Moresby, PNG, Ph: 7 100 2873

info@pihpng.com | www.pihpng.com | facebook.com/pihpng | @pihpng

HELPLINE  
7998 8000

# Kokoda Trek bilong Kidni

Nicky Bernard i raitim

11-PELA meri i kam long pinis lain long Owen Corner long Sogeri long las wik Sarere bihain ol bin wokabaut long Kokoda trek long 7-pela de.

Dispela ol meri bin wokabaut long Sarere 16 Julai, long stat bilong Kokoda Trek na kam long pinis lain long Owen Corner long Sarere 23 Julai, taim PNG i kisim malolo long tingim ol man husat i pait long Wol Woa 2 long Kokoda Trek.

Wokabaut bilong ol dispela meri em bilong mekim mani long helpim biknem redio anausa Roger Hau'ofa long kisim helpim long Singapore haus sik long sik long Kidni bilong em.

Dispela wokabaut tu i bilong strongim wok bilong helpim ol narapela husat i gat sik long Kidni bilong ol aninit long PNG Kidney Foundation Inc.

Meri i go pas long wok-

about bilong ol Michelle Hau'ofa i tok, wokabaut bilong ol i hat liklik tasol ol wokabaut long gutpela as na dispela em i bilong helpim papa bilong em, na ol narapela husat gat sik olsem papa bilong em. Em i tok tu olsem long praivet haus long PNG, marasin bilong Kidni em K1000 long wanpela dispela em antap tumas.

Michelle i tok tu olsem, ol narapela meri i wokabaut wantaim em i gat bilip long helpim narapela olsem na ol kamap wantaim wanpela tingting (K4K) Kokoda For Kidney.



Ol meri husat i pinisim wokabaut bilong ol taim ol kam kamap long pinis lain long Owens Corner wantaim bena bilong ol.

Michelle Hau'ofa namba tri i wokabaut kam antap long las maunten long Owen Corna long Sogeri wantaim ol narapela meri na ol pota bilong ol. Ol poto Nicky Bernard.



## TribeFM Teen Excellence Awards 2016 Nominate your 'Teen Hero'

Do you know an outstanding teenager, who demonstrates leadership and resourcefulness in their community?

The 2016 inaugural TribeFM Teen Excellence Awards will celebrate 7 teenagers from across Papua New Guinea, between the ages of 13 and 19 who have demonstrated personal growth, leadership and a commitment to the community in which they live.

### CATEGORIES AND CRITERIA

The nominees must demonstrate the core values of personal growth, leadership and commitment.

#### HEALTH & WELFARE

For a young person dedicated to improving their own health and that of those in their community by encouraging health-focussed activities in their schools, families and other community groups

#### MUSIC & ARTS

For a young person who's shown outstanding ability in the arts and music and may have used them to effect change in their community

#### SPORT

For a young person who's shown significant sporting dedication and achievement and may have used them to contribute to their community

#### COMMUNITY

For a young person who's passionate about putting other people's needs first, having given up their time and energy for their community

#### EDUCATION

For a young person who's shown significant achievement or improvement in their schooling, or someone who has a track record of supporting the learning of others

#### BUSINESS & INNOVATION

For a young person who's innovative and demonstrated a business activity that benefits themselves and their community

#### DISABILITY

For a young person making a difference by supporting those with a disability, including young people with a disability who are making difference to their own lives and the community

### HOW TO NOMINATE

Fill out this form with as much information about your nominee as possible. Incomplete forms will not be accepted.

Entries MUST be received by 5.00pm on Friday 22 July 2016  
Please submit your completed form to TRIBE 92FM via one of the following ways:

- Mail to: Tribe92FM, NBC, PO Box 1359, Boroko, Port Moresby, PNG
- Drop in person to your nearest provincial NBC OFFICE
- Via TribeFM's Facebook page (send a photo of the completed form)
- Via Whatsapp to 7019 9105 (send a photo of the completed form)

Queries can be directed to 325 3439 between 8.30 - 4.30pm, Monday to Friday or email wgorogo@nbc.gov.pg

## NOMINATE YOUR 'TEEN HERO' FOR THE INAUGURAL TRIBE92FM TEEN EXCELLENCE AWARDS

Please TICK ONE of the following categories to nominate your TEEN HERO:

- ★ HEALTH AND WELFARE
- ★ EDUCATION
- ★ DISABILITY
- ★ SPORT
- ★ COMMUNITY
- ★ BUSINESS AND INNOVATION
- ★ MUSIC AND ARTS

### NOMINEE'S DETAILS (Teen Hero):

Full name: \_\_\_\_\_  
 Address: \_\_\_\_\_  
 Date of Birth: \_\_\_\_\_  
 Contact phone number: \_\_\_\_\_

### NOMINATOR'S DETAILS:

Full name: \_\_\_\_\_  
 Relationship to your Teen Hero Nominee (ie father, teacher, Church leader): \_\_\_\_\_  
 Address: \_\_\_\_\_  
 Contact phone number: \_\_\_\_\_

On a separate page, explain in detail why your Teen Hero deserves to be recognised in this year's TTEA Awards. Attach it firmly to this nomination form.  
You MUST include specific examples of how they have demonstrated personal growth, leadership and commitment in the category you are nominating them for

### Rules/Conditions of Entry:

- Open to PNG residents
- Nominees must be aged between 13-19
- Groups/teams may be nominated
- All nominations must be accurate and original
- Final judging will be done by a panel appointed by TribeFM
- If judges find there are no suitable nominations for a category, no award will be allocated
- Finalists will be notified by phone
- Winners will receive awards/financial sponsorship which are expected to be reinvested within the category they've been awarded
- Winners' names/photos and other details will be published in the media

Proudly supported by:





## Developmen: Bai Yumi Bihainim Wanem Rot?

STAT long dispela wik, yumi gat nupela kolom taitel bilong em, "GLASIM WOKABAUT", wantaim Rosa Koian. Dispela kolom bai glasim ol samting insait long olgeta sekta bilong gavman, politiks, ikonomi, sios na sosaiti. Rosa Koian em i wanpela meri Papua Niugini. Em i wok planti yia long komyunikesen developmen insait long kantri. Em i bin stretim na putim aut namba tu edisen bilong buk 'Liklik Buk' aninit long PNG Unitech.

**Hia em namba wan hap long kolom.**

Yumi lukim planti samting i kamap insait long gavman, long sios, long ikonomi, long politik na yumi skelim sindaun bilong ol pipel na yumi tingting, olsem wanem na sindaun bilong yumi long Papua Niugini olsem?

Yumi askim tu, sapos dispela sindaun em i no luk gutating i gat arapela rot yumi inap kisim?

Insait long Pasifik na olgeta hap long wol, ol lida na ol pipel bilong ol i wok long askim dispela askim tu. i gat wanpela rot we inap givim gutpela sindaun long ol pipol?

Long ol wik i kam bai yumi stori na sakim tingting liklik long tingim ating i gat sampela rot yumi inap kisim. Nau bai yumi lukluk long dispela tingting bilong 'Rethinking Oceania'.

Rethinking Oceania em i wanpela tingting we long Pasifik i gat luksave olsem planti hevi i stap nau we i no gutpela long ol pipel bilong en. Planti ol pipel bilong yumi i lusim pinis histri bilong ol, ol sampela i bin go wok slev long arapela kantri, ol save ol pikinini bilong yumi i kisim long skul em i gutpela bilong helpim sindaun bilong ol? i gat tu bikpela singaut long sapatim ol bratasusa long Wes Papua long kamap fri pipel olsem Papua Niugini na ol arapela Pasifik kantri.

Lukluk gut Papua Niugini i bin stap aninit long lukaut bilong tupela kantri – Ingran na Gemeni. Bihain ol Australia i bin kisim dispela wok bilong holim Papua Niugini.

Taim Papua Niugini i kisim Indipendens long yia 1975 em i bin kisim planti pasin bilong ol lain i bin kisim na bosim em. Pasin bilong wok ikonomik, wok politik, ol lo bilong yumi, pasin bilong skul, pasin bilong lotu na planti arapela samting.

Las yia Papua Niugini i amamasim 40 krismas olsem independen kantri. Tasol planti toktok i kamap olsem sindaun bilong planti pipel i no gutpela. Planti bebi i save dai taim mama i karim, planti mama i save dai taim ol i laik karim pikinini, planti pikinini i no save go long skul, planti pipel i no inap long rit na rait, i gat planti bagarap i kamap long bus, graun na wara, planti pipol i sot long klinpela wara bilong kuk na dring na planti kros na pait i save kamap insait long ol famili.

Na tu skelim bilong ol wok kamap olsem rot, bris, skul na haus sik i no go yet insait long ol p rurol ples long kantri. Planti fres kaikai i pas i stap insait long ol ples na i no save kamap long ol maket long taun.

Kain ol samting olsem i mekim na dispela tingting bilong sindaun na tingting gut na askim dispela sistem we Papua Niugini i bin kisim tasol long ol kolonaisa em i gutpela long nupela wokabaut bilong Papua Niugini bihain long 40 krismas?

**Neks wik yumi stori moa.**

# Sevis Imprumen Program em i gutpela

SEVIS Impruvmen Program (PSIP, DSIP & LLGSIP) mani em i mani we ol provins na distrik i save kisim na em i no konstitusanel gren, tasol em i bilong mekim wok we gavman i laik mekim long kamapim ol gutpela sevis long wan wan LLG, distrik na provins.

Ekting Seketeri bilong Dipatmen bilong Implementesen na Rurel Developmen, Paul Sai'i i tok ol dispela mani nau i helpim sampela provins na distrik long kantri long lukim ol gutpela developmen wantaim ol projek we i save senisim laip bilong ol pipel olsem ol rot, bris, etpos, klasrum, helt senta na egrikalsa projek we ol i

no save lukim long planti yia bipo.

Ansa em i stap long ol lida long bringim wanem samting ol pipel i laikim. Tasol long distrik na LLG we i stap longwe na long hatpela ples i gat stori bilong ol yet wantaim ol kain hevi nau ol i save bungim.

Dipatmen bilong Implementesen na Rurel Developmen i mekim toktok long stretim tingting we i kamap long Post Courier long las wik we raita, Gobontas i tok, 'Jimi i no gat samting long soim.'

Ekting Seketeri, Paul Sai'i i tok olsem gavman i putim bikpela mani long Sevis Impruvmen Program gren i go long wan wan provins na distrik, tasol skelim long ol-

geta distrik we i kisim K10 milien long wan wan yia. Ol dispela we i stap long ol hatpela ples olsem Jimi, i save tromoi moa mani bilong ol long rot na transpot bilong kisim ol matiriel bilong wok i go.

"Mipela i lukim olsem ol kain longwe ples olsem Telefomin, Karamui Nomane, Jimi, Kabwum, Raicoast, Ambunti Drekikir na ol narapela olsem we i save gat hevi long rot long graun, solwara na balus em i save dia tumas na tu i save kisim longpela taim long ol i kisim ol samting bilong wok i go."

Sai'i i tok. Em i tok ol distrik na LLG we i stap klostu long ol siti na taun na long ol bikpela haiwe rot em i no gat as long ol i no bringim ol sevis.

DIRD i lukim ol LLG na ol distrik we i stap longwe tru long ol gutpela isi rot na kamapim ol wok projek na program i soim bikpela stori.

Mista Sai'i i mekim dispela toktok long stretim tingting bilong toktok we i kamap long niuspepa we i tok ol pipel bilong Jimi ilektoret i no gat sevis na i stap yet olsem long taim tum-buna na i les pinis,

Mista Sai'i i tok ol akwital ripot we ol distrik i save givim insait long ol yia i go pinis bai mekim rot bilong DIRD long kampim wanpela we bilong skelim wokkamap bilong wan wan provins na distrik long ol i ken save wanem ol SIP program i save kamap gut long helpim ol pipel.

## Wobiro go long kalabus

NESENEL Kot long Waigani i salim Gavana bilong Westen Provins, Ati Wobiro(piksa), i go long Bomana haus kalabus bikos kot i painimaut olsem em i asua long em i no yusim gut K7 milien bilong provins.

Nesanel Kot Jas, Jastis Martin Ipang, i tok Gavana Wobiro wantaim ekting Provinsal Edminstreta, Dokta Madowa Gumoi na Norman May, i bin salim K7, 060, 000 i go long wanpela faundesen ol i kolim Fly Care Foundation.

Kot i painimaut olsem Mista Wobiro, Dokta Gumoi na Mista May i save gut tru

long ol yet, na ol i no bin bihainim stretpela rot aninit long lo long yusim dispela K7 milien.

Dispela mani em i bilong provinsal sevis impruvmen program bilong Westen Provins. Gavana Wobiro na Dokta Gumoi i bin salim dispela mani i go long Fly Care Foundation long larim dispela sariti ogenesisen i menesim na tu long yusim long givim sevis long pipel.

Mista May i bin rejistaim Fly Care Foundation. Tasol kot i painimaut olsem Gavana Wobiro i no bin bihainim stret lo long salim dispela mani i go insait long

dispela faundesen.

Kot i salim Mista Wobiro, Dokta Gumoi na Mista May i go wet kot long Bomana haus kalabus ausait long Pot Mosbi.

Mista Wobiro wantaim tupela man bai kisim loya bilong ol na mekim beil eplikesen long kam aut long wet kot.

Kot bilong dispela samting bai go het yet long mun Ogas, na long dispela taim sapos kot i painimaut olsem Wobiro i bin asua, kot bai kalabusim em long Bomana haus kalabus.

Ol loya bilong Mista Wobiro bai mekim wanpela



beil eplikesen long larim em i kam ausait long Bomana.

Mista Wobiro em i wanpela strongpela lotu man na em i save autim Tok bilong God long Evangelical Church ov PNG (ECPNG) long Gerehu, Pot Mosbi.

## Digicel givim fri Facebook sevis

DIGICEL i givim sans long ol kastoma bilong em long PNG long kisim fri sevis long Facebook.

Digicel i lonsim dispela nupela sevis bilong kisim fri Facebook sevis long Tunde dispela wik long Pot Mosbi.

Dispela nupela sevis bilong go insait long Facebook bai fri sapos ol kastoma i yusim smatpon na i go insait long Facebook App o i go long google na sekim Facebook.com.

Menesing Dairekta bilong Mobal Bisnis bilong Digicel, Shivan Bhargava, i tok Digicel i kamap namba wan telepon kampani long PNG long givim dispela fri Facebook sevis long ol kastoma.



**Menesing Dairekta bilong Digicel Mobal bisnis, Shivan Bhargava (raithan), long taim bilong lonsim fri Facebook sevis.**

"Mipela i luksave olsem planti manmeri PNG i save yusim Facebook long ridim nius, toktok wantaim ol

poroman na famili, na mekim arapela gutpela samting long Facebook.

"Digicel i givim bikpela

sans long pipel bilong PNG i ken yusim fri Facebook sevis,"Mista Bhargava i tok.

# BSP Bod ov Dairekta makim Arthur Sam

SIAMAN bilong Bod ov Benk Saut Pasifik Limited, Sir Kostas G. Constantinou, OBE, i tokaut pinis long bod bilong BSP i makim Arthur Sam olsem wanpela memba bilong Bod bilong Benk Saut Pasifik Limited (BSP).

Mista Sam i gat save long wok olsem akaunten. Em i gat Basela bilong Komes long Yuni-versiti bilong Papua Niugini na em i wanpela Memba bilong CPA PNG.

Em i Odit na Menesing Patna bilong JAJ & Asosiet husat i save givim ol akaunting, tak-sesen, odit na bisnis kons-altensi sevis long Papua Niugini.



Mista Arthur Sam, em i nupela bod memba bilong BSP Bod ov Dairekta.

Mista Sam i gat planti save bilogn wok bilong intenel odit na ris menesmen. Em i bin wok wantaim ol klaien long ol pablik na praivet sekta oge-naisesen; na tu em i bin wok wantaim tripela bikpela akaunting kampani long wol.

Benk bilong Papua Niugini i wanbel long ol i makim Mista Sam long dispela posisen.

Em i wanpela memba bilong BSP Bod Odit na Ris Kom-plaiens Komiti stat long Jun 2013 i kam.

Sir Kostas i tok welkam long Arthur Sam i lukim olsem BSP Bod i go het yet. Em i tok em i gat bikpela bilip long Mista Sam bai mekim gutpela wok.

## NCSL kisim trening long nupela komyunikesen tul

OL maketing Opisa bi-long NASFUND Kon-tributa Sevings na Lon Sosaiti (NCSL) i bin kisim trening bilong Be-mobile Vodafone long wanpela nupela kain samting bilong wok we sosaiti i tingting long yusim klostu taim.

Maketing na Klaien Rilesens Tim Lida bi-long NCSL, Evelove Farapo i tok web-to-sms portal em i wanpela gutpela komyunikesen tul long toksave long ol memba long wanem kain sevis NCSL inap long givim ol.

“Wantaim moa long 80,000 kontributa in-sait long kantri, mipela i bilip olsem dispela tul

bai helpim mipela long toktok wantiam ol memba bilong mipela na toksave long ol nu-pela kain sevis i kamap nau long sosaiti,” Mis Farapo i tok.

Em i tok moa olsem toktok bilong sevim mani na dinau long mani em i bikpela samting long ol kon-tributa long save bilong wanem em bai helpim ol long mekim gut ol di-sisen bilong sevim mani bilong ol long sot-pela taim.

Trening i bin kamap insait long wanpela aua long lainim we bilong salim tok i go i kam long Web i go long SMS, we Koporet Sels

Menesa bilong Bmo-bile Vodafon Glynn Low i bin ranim. Mista Low i tok ol i lukim olsem web to sms sevis i go bikpela hariap tru insait long ol mun i go pinis na bikos ol kas-toma i kisim toktok i kam stret long kam-pani.

Pastaim long dispela sevis i kamap, mipela i tokim ol NCSL memba long rejistaim mobail namba bilong ol na long dispela ol i mas-pulimapim wanpela SL15 fom. Ol i ken kisim dispela fom long ol websait adres web-site [www.ncsl.com.pg](http://www.ncsl.com.pg) o long [helpdesk@ncsl.com.pg](mailto:helpdesk@ncsl.com.pg)

## ExxonMobil laik baim InterOil long K8 bilien

BIKNEM oil na ges kampani bilong Amerika, ExxonMobil Corp, i tokaut long baim InterOil Corp.

ExxonMobil em i projek opreta bilong PNG LNG Projek na InterOil em i kampani husat i bin paini-maut bikpela ges risev long Elk-Antelope ges fil long Galp Provins.

Ges bilong Elk-Antelope em i bikpela tru. Em i winim olgeta ges risev long Sauten Hemispia, na dispela ges tasol bai kamapim namba tu LNG Projek long kantri, Papua LNG Projek.

InterOil, Oil Search na Total SA i bin kamap projek patna long kirapim Papua LNG Projek.

ExxonMobil i tok aut long las wik Fonde olsem em bai givim K8 bilien long InterOil na tekova long PRL 15 na olgeta sea na ol samting bilong InterOil.

PRL 15 em i laisens eria bilong InterOil we Elk-Antelop ges fil i stap long en. ExxonMobil i laik baim dispela risos bilong InterOil na strongim bisnis bilong em long PNG.



Genius Book of Record i tok bikpela ges risev bilong Sauten Hemispia i stap long Elk-Antelope ges fil long Galp Provins aninit long PRL 15 laisens eria. ExxonMobil i laik baim dispela ges risev wantaim InterOil long K8 bilien.

Siaman na Sif Eksekutiv Opisa bilong ExxonMobil, Rex Tillerson, i tok dispela bisnis trensekse em i wanpela bikpela bisnis we Exxon-Mobil i baim.

“Mipela i gat strongpela bilip olsem dispela bai helpim ol sea-holda bilong InterOil na ol pipel bi-

long PNG,” Mista Tillerson i tok.

Ol bod ov dairekta bilong In-terOil i wanbel long dispela mani mak. Oil Search Limited i bin laik long baim InterOil na i bin tokaut long mun Me dispela yia.

Menesing Dairekta bilong Oil Search, Peter Botten, i bin tok aut

olsem ol i laik baim InterOil long K7 bilien tasol taim ExxonMobil i laik baim long K8 bilien, ol bod ov dairekta bilong InterOil i wanbel long salim kampani long dispela bikpela oil na ges kampani bilong Amerika.

ExxonMobil i luksave olsem PNG

LNG Projek i kamap gut tru bikos kos o mani mak bilong kirapim kain ol projek long PNG em i damblo tru, o em i no save kostim bikpela mani mak.

ExxonMobil i luksave tu olsem PNG em i klostu long LNG maket long Esia na tu ges bilong PNG i gat hai kwaliti.

InterOil i tokim olgeta seaholda bilong em long bung long wanpela spesel miting long mun Septemba long dispela yia, we ol seaholda bai pasim tok na wanbel long salim In-terOil i go long ExxonMobil.

Long wankain taim, pastaim Siaman na Sif Eksekutiv Opisa (CEO) bilong InterOil, Phil Mulacek, i laikim ExxonMobil long stretim gen ol pepa bilong baim InterOil.

Mista Mulacek i laikim Exxon-Mobil long apim sampela moa mani mak bikos ges risev i stap insait long Elk-Antelope em i bikpela tru.

Mulacek i bin statim InterOil na i bin painimaut dispela bikpela ges risev long Elk-Antelope.

## Madang bai holim bisnis invesmen forum long Ogas

James G. Kila i raitim

BAI wanpela bikpela bisnis invest-men forum i kamap long Madang long pinis bilong neks mun Ogas.

Gavana bilong Madang, Jim Kas i tokaut long dispela taim em i bung wantaim Presiden bilong Ramu NiCo Menesmen (MCC), Wang Jicheng long Mande dispela wik.

Mista Kas i tokaut olsem dispela investmen forum em Projek Menesmen Yunit bilong Madang provinsal gavman i go pas long en. Dispela PMU nau i senisim nem bi-



Madang Gavana Jim Kas long raithan i toktok wantaim ol lain bosman bi-long Ramu NiCo (MCC) long opis bilong em long Mande. Foto: James G. Kila

long en i go Ramu Developmen Faundesen.

Gavana Kas i tok olsem Ramu NiCo (MCC) em bikpela invesmen bilong Saina insait long PNG na i stap long Madang provins, olsem na em i amamas long I stap insait long dispela bisnis invesmen forum.

Bai ol I serim tingting na ekpiriens bilong ol long ol arapela nupela lain husat i laik wokim bisnis long provins.

Mista Kas i tokaut tu olsem long las mun taim em i bin go long Saina wantaim wanpela gavman deligesen Maining Minista, Byron

Chan i go pas long en, em i guria stret na intres bilong em i kirap long wokim bisnis wantaim Saina.

Mista Kas i tokaut tu olsem taim em wantaim gavman deligesen i bin go long Quandong provins, em i givim invitesen long sampela bisnis na askim ol long kam long Madang long dispela bisnis invesmen forum.

Presiden bilong Ramu NiCo, Mista Wang i tok olsem Ramu NiCo (MCC) i stap pinis olsem wan-pela bisnis long provins na i ama-mas tasol long stap insait long dispela bisnis invesmen forum.



# Yaffa bai kisim helt pos

Loutova Siapea i raitim

**LONGPELA** taim tru ol asples man na meri bilong Yaffa na ol arapela viles komyuniti olsem Nomura, Janabo, Tiungka, Orege, Tapo, Bazahi, Kumanofi, Inongka, Ongki, Amegi na Zompoza i bin stap lng hevi, long wanem, ol i no gat helt etpos o klinik klostu long ol.

Tasol nau ol i kisim tok promis olsem ol bai gat haus sik bilong ol yet long Yaffa.

I no longtaim ol bai lukim wanpela helt pos i kirap klostu long haus dua bilong ol bikos Esien Developmen Beng (ADB) wantaim ol arapela dona ejensi, opis bilong Memba bilong Kainantu, Johnson Tuke, Isten Hailans Provinsel Helt Atoriti (EHPHA) na ol arapela patna i wok bung na sanapim long Yaffa.

Long taim bilong brukim graun seremoni long Yaffa viles

tupela wik i go pinis, ol pipel i bin gat bikpela amamas na ol soim long selebresen wantaim ol singsing na kain kain pilai.

Ol asples yut tu i bin kamapim pilai drama long soim disebel man wokabaut wantaim stik (krats), na ol i tok amamas long Ekting Sif Eksekutiv Opisa bilong EHPHA, Joshua Soso, long helpim na toktok strong long bringim helt pos i go long haus dua long hauslain bilong ol.



EHP Helt Atoriti CEO Joshua Soso i givim nupela krats o stik bilong helpim lek nogut long wokabaut i go long Yaffa haus sik. *Poto: Lotova Siapea.*

# Yu yet bosim laip bilong yu! – Gavana Parkop

Frieda Sila Kana i raitim

**Nesanel Kepital distrik (NCD) gavana, Powes Parkop, wanpela lida husat i gat bikpela bilip long gutpela helt, i tok ol man i mas lukautim helt bilong ol yet na bai ol i no inap kisim sik na i go long haus sik.**

Gavana i save strongim dispela kain tingting wantaim laipstail bilong em yet. Em i save i senisim pasin bilong kaikai na long wokim ekksesais olgeta de na olgeta Sande em i save wokabaut longpela hap rot olsem long 5-Mail i go long Ela Beach.

Mista Parkop i bin mekim dispela toktok long taim bilong brukim graun bilong nupela wok bilong kirapim gen Kila Kila Helt Senta long Pot Mosbi Saut Ilektooret, long stat bilong dispela mun.

Gavana Parkop em i save tok strong long rausim sik Tubekulosis o TB. Em i bin kamapim wanpela lo bilong rausim buai maket insait long siti long lukautim helt bilong ol pipel. Bikos taim ol man i gat TB binatang na ol i spetim buai, win inap long karim binatang i go long narapela lain. Na tu kaikai buai i save mekim rot bilong sik kensa long maus.

Gavana Parkop i mekim strongpela toktok long ol pipel bilong Pot Mosbi Saut i mas lukautim gut helt bilong ol na ol i no ken putim bilip tumas long ol marasin.

“Tenkyu, FoaSkwea Sios long wok bilong yupela. Mi olgeta taim i save amamas long wok wantaim yupela, tasol mi ting olsem, strongim wok bilong givim marasin em yumi helpim les pasin. Yumi mas lainim ol pipel long lukautim gut bodi bilong ol na ol i no ken kisim sik. Mekim moa awenes long helt laipstail,” Gavana Parkop i tok.

Ol helt wokman na meri i ken givim sut na marasin bilong TB olgeta de long ol sik pipel tasol wok bilong awenes i mas go yet.

Em i tok em i save givim bikpela sapot long Pot Mosbi Saut, stat yet long taim Dame Carol Kidu i stap Memba bilong Pot Mosbi



Mekeo man bilong Kira Kira ples i bilas na singsing long kisim Gavana Parkop na Memba Tkatchenko i go insait long hap bilong Kila Kila klinik. *Ol Poto: Nicky Bernard.*

Saut, wantaim Gini Goada program.

Bihain long 2012 ileksen em i pasim tingting long sapotim Justin Tkachenko olsem kenidet na stret em i gutpela tingting bikos em i win na i kamap wanpela eksen man.

“Ating sapos ol narapela memba bilong Mosbi i lukim wok bilong en na bihainim, bai moa wok developmen i kamap insait long NCD. Mipela i patna wantaim Sir,Constantinou na mipela i kirapim gutpela Kaugere helt klinik nau i stap,” Mista Parkop i tok.

Tasol em i tok wok bilong ol helt long NCD i stap yet aninit long Nesanel helt na ol i no givim pawa long NCDC long lukautim, olsem na planti wok bilong helt insait long NCD i no save kamap.

Mista Parkop i tok em i bin namba wan man tru long sainim wanpela agrimen wantaim partiam minista bilong helt, Sasa Zibe long kamapim wanpela helt atoriti bilong NCDC. Tasol gavman i no hariap long dispela na nau NCDC i no gat helt atoriti yet.

Em i tok, NCDC inap long mekim planti wok long kamapim gutpela helt standet long siti tasol ol i no gat olgeta pawa long kontrolim ol mani bilong helt sekta long siti.

“Minista bilong edukesen i wanbel pinis long givim ol admin-



NCD Gavana Powes Parkop wantaim Pot Mosbi Saut Memba na Minista bilong Spots na Nesanel Ivens, Justin Tkatchenko i lukluk long disain bilong nupela Kira Kira helt senta.



CDGavana Powes Parkop i draivim buldosa long brukim nupela graun bilong Kila Kila helt senta.

istresen bilong edukesen bilong NCDC i go long NCDC na ol i sainim wanpela MOU pinis. Sapos helt ministri inap long mekim wankain tu em bai orait olgeta. Pasin ken bihainim tru toktok bilong mipela,” Mista Parkop i tok.

Gavana i tok tenkyu long Senia Pastor Rodney Tomuriesa bilong Living Lait FoaSkwea sios na ol wokman na wokmeri bilong Living Lait helt sevis.

“Mi save amamas long sapotim yupela. Wok wantaim sios em i gutpela patnasip.

Long 2007 taim ol i pasim olgeta klinik long NCD, mipela i patna wantaim ol sios na ol NGO na givim ol klinik i go long lukaut bilong ol edministresen bilong kuretiv helt insait long siti.

“Tasol kuretiv helt em i strongim les pasin. Planti pipel tumas i dai yangpela tumas long taim ol i gat 50 krismas tasol. Mi save kisim 10 o 15 singaut bilong helpim ol haus krai long olgeta wan wan wik. Ol pipel i wok long dai klostu, klostu bikos long rabis kain laip stail ol i gat.

“Yumi mas pinisim dispela kain pasin na pasim rot bilong sik. Mi ting olsem kuretiv helt em i bilong ol mama na pikinini. Yumi ol man em yumi save kamapim hevi na sik bilong yumi yet. Ol man i mas lukautim ol yet.

Yumi man yumi yet i bosim bodi bilong yumi. Long narapela kantri ol pipel i save stap na lapun tru olsem 80 i go 100 yia, olsem na taim ol i dai ol famili bilong ol i save amamas na selebretim laip bilong ol. Ol i no save holim bel na tanim, tanim long graun na krai bikos man o meri i yangpela tumas na i dai pinis,” Mista Parkop i tok.

Sapos yumi stap laip longpela taim long graun, bai yumi putim faundesen bilong ol tumbuna lain bilong yumi long bihain. Helt em i mani bilong yumi na em i faundesen bilong yumi.

Sapos yumi no stap helti, bai yumi no inap long kirapim strongpela kantri.

“Yu yet bosim laip bilong yu.” Mista Parkop i tok.



**Yut, Meri na Famili**  
*Pastor Barbara Lunge*

**Sevim ol pipel bilong yumi, sevim Papua Niugini**

KINGDOM bilong graun i kamap Kingdom bilong BIKPELA na bilong Krai, na em bai stap king oltaim, oltaim." Kamapim Tok Hait 11:15

"Wanpela pikinini man i kamap pinis long yumi, em wanpela pikinini God i givim long yumi. Em bai i stap king bilong yumi, na em bai i gat ol dispela nem, "Man bilong i stap otaim, oltaim na King bilong i stap oltaim oltaim na King bilong bel isi. Dispela king bai i stap senis bilong King David na bosim ol manmeri. Strong bilong gavman bilong en bai i wok long kamap bikpela oltaim, na bai i no gat pait na ol manmeri bai i sindaun gut oltaim. Long wanem, dispela king em i king bilong mekim gutpela na stretpela pasin tasol, na dispela pasin bilong mekim gutpela na stretpela pasin tasol, na dispela pasin bilong en bai i mekim em i stap strongpela king nau na olgeta taim bihain. Bikpela i Gat Olgeta Strong i gat strongpela lait tru long mekim gut long ol manmeri bilong en, olsem na em bai mekim ol dispela samting i kamap. (Isaiah 9:6-7)

Kantri bilong yumi i sainim wanpela kavanen o tok promis long lotu long God bilong Israel. Long 2007 pastaim Praim Minista, Sir Michael Somare i sainim dispela pepa long taim bilong Saut Pasifik Prea Asembli long Pot Mosbi, PNG.

"Tasol dispela nupela kontrak mi laik mekim wantaim ol manmeri bilong Israel, em i olsem. Bai mi putim olgeta lo bilong mi long tingting bilong ol, na bai mi raitim tok bilong mi long bel bilong ol. Na bai mi stap God bilong ol, na bai ol i stap lain manmeri bilong mi. Na long dispela taim bai ol man i no ken skulim ol wantok na ol brata bilong ol na tok olsem, "Yupela i mas save long Bikpela." Nogat. Olgeta bai i save pinis long mi, maski ol i man nating o ol i gat biknem. Long wanem, bai mi marimari long ol na lusim sin bilong ol na mi no ken tingim moa." (Hibru 8:10-12)

Israel i stap 70 yia long kalabus em i bin pinis long Septemba 2015 bihainim taim lain kalenda bilong 2015. ".Mi makim pinis 70 yia bilong Babilon i stap gut. Na bihain long dispela, bai Babilon i bagarap. Na long dispela taim bai mi tingim yupela na bringim yupela i kam bek long Jerusalem, bilong inapim promis bilong mi. Mi laik mekim gut long yupela. Mi no laik mekim nogut long yupela. Yupela i ken tingim ol dispela samting mi laik mekim, na yupela i ken wetim dispela taim i kamap." Jeremaia 29:10-11.

Tok bilong God i tok olsem, "tasol taim 70 yia i pinis, orait mi Bikpela bai mi mekim save long king bilong Babilon na ol manmeri bilong en, bilong bekim pasin nogut ol i bin mekim. Na mi bai bagarapim kantri Babilon, em kantri Kaldia, na bai graun bilong Babilon i stap nating oltaim oltaim." Jeremia 25:12.

Belhat na jasmen bilong God nau i stap antap long ol kantri na ol pipel husat i givim bel bilong ol long ol pasin nogut. Ol i no bihainim ol stretpela pasin bilong em gut.

Nau em i Jubili yia olsem tok i stap long Wok Pris 25:8-10 Wan wan bilong yupela i mas go bek long famili propeti na wan wan i mas go bek long klen bilong en."

GOD BIKPELA i laik bringim bek ol kingdom prinsipel wantaim nupela lida long ol kantri bilong graun. Kamapim Tok Hait 11:15. Husat em i king bilong glori? Apim het bilong yu, o yupela dua; apim yupela yet, yupela ol dua bilong bipo, na king bilong glori bai kam insait. Husat dispela king bilong glori? Em i bikpela i strong olgeta, na i strong long pait." Buk Song 24:7-8.

...Long nem bilong Jisas olgeta manmeri bai brukim skru, long heven na long graun na aninit long graun, olgeta maus bai tokaut olsem Jisas em

**Esseh Lutheran peris kamapim yut na Sande skul selebresen**

Paulus Tali i raitim

**LONG 4 i go inap 9 Julai, Esseh Lutheran Peris, long Ona seket**

long Kainantu Distrik i bin lukim ol yut bilong peris na Sande skul i kamap na soim ol krietiv danis long amamasim Sande Skul neseri de bilong ol.

Moa long 1, 500 ol Kristen insait long Agarabi eria stat long Yonki, na kam olgeta long Kainantu i bin kamap long dispela namba 14 selebresen. I no ol Lutetran yut na Sande skul tasol bin kamap , ol yut na Sande skul long ol arapela sios olsem EBC, na SDA tu i amamas tru long stap insait long dispela program bilong Esseh Peris.

Esseh Peris yut lida Nemsy Wes, yut kodineta Doxy Tena, seketeri, Sulu Ampis, yut edviser, na plena, i bin bringim Esseh Peris i kam long wok-abut bilong em insait long Ona Seket, long Kainantu Distrik.



Ona Lutheran Seket yut na Sande skul, talent so na neseri so.

Distrik Presiden Pastor Sailas Bemmeng, na seket presiden Tony, tu i no bin stap.

Long selebresen Baibel stadi, Masta Pritsa, Raboni Okaimasa, husait givim stadi i sut long het tok, Tumora Jeneresen, 1 Pita 2, 9, 12. Em salensim ol yut na Sande skul, pikinini insait long Esseh Paris olsem kain program bilong ol i soim gutpela pasin. Em i tokim ol long sanap strong long bilip bilong ministri insait

long sios. Em i tok moa tu olsem ol i mas amamas long sios i gat kain kain program bilong en.

Senia pastor bilong EICPNG, husat i stap long Tairora kongresen, Pastor Gedisa Okaimasa, i tok amamas tu long ol yangpela. Em i tok program bilong ol i soim tru kala bilong renbo.

"Nau yumi tu selebretim 130 yia bilong EICPNG, we ol tumbuna, papa wantaim

misineri bin karim wok Ministri bilong Gutnius."

"Sios bilong yumi i selbretim 40 yia selebresen bilong em we Sir Zurewec Zurenuwoc, olpela bisop, bin tok strong long ELCPNG, ken sanap bilong em yet long 1976. I kam inap nau 2016, ELCPNG, i sanap yumi yet, olsem na mi salensim yupela ol yut, Sande skul bilong Esseh Parish, long sanap strong long wokabut insait long sios ministri na luk luk i go long bikpela Jisas em tasol i as bilong laip oltaim oltaim."

Selebresen i pinis long Sarere 9 Julai we ol Moimo Kristen gen i singsing na givim paia wantaim kaikai i go long Divisen 2 klostu long 5 Mile Haiwe husat bai hostim namba 15 selebresen. Peris siaman Doxy Tena i tok pasin bilong wok bung wantaim bai lukim moa gutpela senis i kamap long 2017.

**Lae Sande skul ministri i soim kala bilong en**

I no long taim i go pinis, ol pikinini insait long 14 Lutheran peris insait long Lae siti i bin kamap long Benong peris, klostu long Bumayong Haiskul.

Samting olsem 850 pikinini i bin kamap long ol kosta bas, na PMV, na trak long soim strongpela sapot bilong Sande skul ministri.

Ol i kamap wantaim ofa bilong ol na bikpela amamas tru. Ol i soim kain kain singsing na kalsa na tumbuna bilas, wantaim ol krietiv danis taim ol i go antap putim ofa, bilong ol long sapotim ministri bilong Sande skul long siti seket. Tresera na bisnisman insait long siti, Ben Woo, husat i save givim bikpela taim moa taim long wok ministri bilong em insait long El-

CPNG, na Yabim Distrik i bin amamas long lukim ol.

Em i tokim ol pikinini long wan wan peris. Em i tok, "Yupela em piksa, bilong God, na kingdom bilong heven em yupela kain ol liklik pikinini nau long program bilong Tenks giving, mi kamap lukim yupela givim moa taim wantaim preis na amamas i go long bikpela Jisas."

Em i tok tu olsem kalsa bilong yumi wan wan em gat mining na lukluk bilong em tru long ministri bilong Bikpela.

Wainkain taim Mista Woo i salensim ol Sande skul pikinini long pasin bilong harim tok bilong God, insait long hauslain wantaim papamama, na long elementri, na

Sande skul , na i go long praimer skul. Em i tok dispela em bikpela samting long laip bilong yumi na oltaim yupela mas bihanim pasin bilong harim tok na bihanim em i gutpela na bai yu lukim blesing long laip bilong yumi.

Narapela bikpela tok em tok long pasin bilong laikim narapela insait long skul, na autsait maski husat i no pren o brata bilong yu tasol pasin bilong laikim i mas stap oltaim long wan wan laip bilong yumi taim yumi stap wantaim. Em i tok long kain pasin bilong laikim o love , bai yu inap lukim moa luksave bilong ol arapela na bai Kraist i stap wantaim yumi.

EIC Yabim Distrik Sande skul

kodeketa, Tainam Mek, i bin amamas long Benong peris, husat i go pas long dispela bung. Em tok mi lukim program i kam wantaim kala bilong EICPNG, renbo.

"Mi amamas na yumi mas sanap yet strongim program bilong ol pikinini husat em bun tru bilong sios, long nau na tumora," Mista Tainam tok.

Ol zone 1 peris, i givim diwai kros makim gen program bai go long zone 2, long Holli Trinititi long 3 Mile, na 4 Mile husat bai hostim gen 2017.

Mista Ben Woo, tenkyu long Benong Peris pasto, Sam Nathan, na ol kongregesen long sapot bilong ol.

**Sipiga SDA sios ridedikesen seremoni**

Loutova Siapela i raitim

LONG taim bilong mekim grup na singim kwaia insait o autsait long ol haus lotu, ol memba bilong SDA sios i save mekim gut tru.

Moa long 30 memba bilong SDA sios long Sipiga long Goroka, Isten Hailans i bin mekim dispela na ol i kukim stret sios eria wantaim kwaia singsing bilong ol, long taim ol bilong ridedikesen seremoni bilong sios long Sande.

Sios lida, Pasta Waiwai husat i bin i go pas long dispela ridedikesen seremoni i tok, Sipiga sios i bin stat long liklik tasol namba bilong ol kongregesen em i gro, olsem na sios i bin wok hat long bungim ol mani long kamapim moa wok long skruim sios bilding i go bikpela long kisim olgeta pipel husat nau i wok long go long dispela sios.

Na taim ol wok bilong ekstensen bilong sios i kamap na pinis insait yet long mun i go pinis, klostu long 2,000 memba bilong SDA sios na ol dispela manmeri i bin kamap long stap wantaim long selebretim ridedikesen bilong sios.

Sipiga viles lidaman, Peter Hoyato husat em papagraun tu i tok, em i amamas olsem taim SDA i bringim sios i go insait long hauslain eria long Sipiga na planti senis i kamap long pasin bilong ol man na meri.

**KAMAP LONG POLAN:**

7-PELA yut hia, 6-pela merina wanpela man, i makim ol Katolik yut long PNG long bikpela bung bilong ol wol Katolik yut bung, 2016 long kantri Polan long Yurop. Poto i soim ol i go kamap long ples balus long Krakow. WYD 2016 i stat long dispela wik na bai pinis long neks wik. Moa long 10,000 Katolikyut i bung i stap nau long Krakow, Polannaol i stap insait long ol sios, sosel na developmen program.



# Planti wok i stap tasol taim bilong Palamen i wok long sot

VOT bilong no gat bilip i kamap pinis las wik Fraide. Praim Minista i winim vot na gavman bilong em bai stap yet inap long nesanel ileksen neks yia.

Em inap olsem. Yumi larim gavman i mekim wok bilong en long bringim sevis i go long ol pipel long dispela 9-pela mun, bipo long ol pipel i vot long ol nupela memba bilong palamen.

I gat planti ol bikpela wok i stap yet. Praim Minista i tokaut las wik olsem long taim gavman bilong em i go bung long Alotau, ol i skelim ol promis bilong kamapim wok, insait long Plen bilong Alotau Accord.

Ol i bin mekim ol dispela promis long taim ol i bin bung long kamapim gavman bihain long 2012 nesanel ileksen. Em i tok ol pablik sevan i tokim ol olsem gavman i winim mak bilong 80 pesen long kamapim tru ol samting i stap insait long Alotau Accord. Dispela mak i bikpela na i soim olsem bikpela wok i kamap long mekim plen bilong gavman i karim kaikai. Kantri i luksave long dispela na i amamas olsem sampela gutpela samting i kamap long helpim ol pipel bilong yumi.

I gat planti salens i stap yet na yumi hop bai ol pipel inap long lukim gen gutpela sevis i kam long han bilong dispela gavman na ol wok lain bilong em.

Ating long taim ol memba bilong palamen i bung gen long miting bilong ol long Ogas 6, bai yumi lukim ol memba i toktok long ol bikpela samting insait long kantri.



Oposisen i gat moa memba nau long strongim kona bilong ol na kamapim sampela gutpela dibet long Palamen.

I gat ol hevi i stap long sampela polisi bilong gavman. Mobeta ol i paitim toktok long ol dispela samting na maski long pulim taitim yet long pawa bilong palamen na pawa bilong judiseri na ol kain samting olsem we i no inap long helpim ol manmeri bilong kantri.

I gat ol ripot i stap yet em Pala-

men i no bin gat taim long dibet long en. Ating nau em i gutpela taim long go bek na pinisim ol dispela wok i stap yet long mekim.

Ol gavana bilong wan wan provins tu i mas skelim ol yet pastaim na bihain ol i ken toktok long ol arapela samting i kamap long Mosbi.

Sapos provins i stap gut bai ol pipel i gat bilip long gavana na sapatim em na ol wok plen bilong em. Wok bilong lukautim wanpela provins em i bikpela hatwok

na long taim i gat strongpela, stretpela lida bai ol pipel i ken amamas.

I gat sampela wok painim gavman i mekim long edukesen na helt we sampela hevi i kamap ples klia. Long edukesen i gat hevi bilong ol lain i giaman long taim bilong ol skul eksam.

Edukesen seketeri i tokaut long ol rot bilong stopim dispela pasin nogut. Orait long eria bilong helt, i gat ripot bilong komiti i stap yet we Palamen i mas toktok long

wanem samting dispela komiti i bin painim aut na ol rekomendesen bilong en. Em ol liklik samting i no inap kisim bikpela taim bilong Palamen, tasol i gutpela long givim sans long olgeta memba i mas harim na dibet long en.

Bikpela wok bilong wan wan memba long ilektoret bilong ol tu i wok long helpim ol pipel. Sampela i kamap ples klia na yumi olgeta i lukim na amamas.

Sampela i no gat ripot i kamap long ol niuspepa na televisen, tasol ol pipel i luksave long helpim bilong memba. I gat bikpela wok tu ol pablik sevan i mekim long bringim sevis i go long ol pipel.

Yumi luksave long dispela wok bilong ol bikos hanmak i stap ples klia long olgeta lain i lukim. Sampela memba bilong palamen i wok long bringim ripot bilong ol nau long wanem rot ol i spendim mani bilong ilektoret.

Ol inap mekim olsem bikos olgeta lain i bung na wok gut wantaim long kamapim wan wan ilektoret na distrik. Dispela gutpela eksampel bilong ol bai i mekim ol arapela memba tu i hariap long stretim ol pepa na givim ripot bilong ol tu i go bek long han bilong gavman husat i bosim dispela wok.

I gat planti wok bilong palamen i stap yet tasol taim i wok long sot nau.

Olsem na mobeta long dispela sotpela taim, olgeta meeting bilong palamen i mas winim tripela wik na ol i no mas sotim taim bilong bung.

## Luksave long God i wok long laip bilong manmeri

PLANTI manmeri i save askim olsem wanem wanpela i ken luksave long God i bikpela i wok long laip bilong en.

Long bekim dispela askim wanpela sios lida i givim sampela tok long Baibel long luksave long wok bilong God long laip bilong yumi.

Dispela ol tok em - 1 Samuel 5: 11; 2 Stori (Chronicles) 30:12; Jop19:21; 27:11; Saveman (Ecclesiastes) 2:24; 9:1.

Ol tok long dispela buk i no min olsem God i gat han long bodi olsem yumi ol man na olsem yumi ken lukim na luksave. Nogat. God i spirit (Jon 4:23) wankain olsem win we yumi i no inap long lukim.

Tasol dispela i no min em i no gat han long mekim wok. Nogat.

Wanpela i ken luksave long



wok bilong God long laip bilong en taim em i stap isi na skelim tingting bihain long sampela kain bikpela hevi o wok i kamap long laip bilong en we em inap long abrusim o kamapim.

James i tok long pas bilong en olsem sapos yumi i save bilip long God, yumi mas amamas long taim bilong ol traime (Jems 1:2) bikos ol traime i strongim yumi long wokabaut moa klostu long God.

Yumi ken luksave long God i wok long laip bilong yumi long Tok bilong en (2 Timoti 3:16-17).

Sapos yumi bilipmanmeri yumi ken luksave long wok bilong God long prea laip bilong yumi (Jems 1:15). Bihain long prea na ol askim bilong mipela na taim samting mipela i bin askim i karim kaikai em dispela taim mipela i ken luksave.

Narapela rot we yumi ken luksave long God i wok long laip bilong yumi em taim yumi trastim em long ol traime, olsem long sik na dai, i kamap long laip bilong yumi o ol bikpela wok olsem (sindaun long bikpela eksamine-sen) we yumi i no inap long mekim long strong na save bilong yumi yet.

God i helpim ol lain husat i askim em long helpim ol, i trastim em na i bilip em.

Taim yumi bungim hevi em i no rong long yumi mekim ol

kain askim olsem "bilong wanem na God i larim kain hevi i kamap long mi?" Tasol bihain long dispela olsem yumi ol bilipmanmeri yumi ken tok yumi larim yumi yet na pen yumi karim long han bilong God. God yet i save long wanem samting i kamap na em yet i ken sevim yumi long kain traime i kamap.

Buk Song (Psalm) i gat planti ol toktok ol hevi King Devit i bin bungim long laip bilong en tasol em i trastim God na was long em.

Moa long dispela, em i presim God i sevim em long dispela ol taim nogut.

Manmeri i ken bihainim Devit long trastim God na presim God long ol gutpela na nogut taim bilong ol long stap gutpela pikinini bilong God.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: [editorial@wantokniuspepa.com](mailto:editorial@wantokniuspepa.com)

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

# Bikpela Katolik Karismatik

# bung long Madang

JAMES G. KILA i raitim

MOA LONG 5,000 manmeri insait long Katolik Karismatik muvmen i holim bung long wanpela bikpela bung bilong ol long Madang taun, stat long Fonde Julai 14, na pinis long Sande 17.

Ol Karismatik memba bilong bilong ol Katolik Sios peris long olgeta 6-pela distrik long Madang i bin kamap long dispela bikpela sios bung long Laiwaden pilai graun long Madang taun.

Planti i bin stap long Tusbab Sekenderi skul na i save go kam long bung bilong ol long nait long Laiwaden pilai graun.

Long Fonde, ol lain Karismatik grup we i makim ol wan wan peris long ol distrik long Madang i bin sanap long lain long Madang provinsal gavman opis, na i wokabaut i go daun long Laiwaden pilai graun.

Ol i karim ol plak long makim wanem peris ol i kam long en, na i singsing na litimapim nem bilong God.



Ol Karismatik grup long Madang i mas long Madang.

Ol Poto: James G. Kila



# Luksave long Remembrens De 2016

Frieda Sila Kana i raitim

**JULAI 23, em de gavman bilong Papua Niugini i makim olsem 'Remembrens de' bilong tingim ol sakrifais we ol sevis man i bin wokim long taim bilong bikpela pait, Wol Woa II na tu long ol soldia bilong PNGDF yet husat i bin lusim laip long wok sevis bilong kantri.**

Long las wik Sarere 23 Julai, i no planti lain tumas i bin kamap long Ela Beach Memoriel Pak na tu i no bin gat bikpela tok save i kamap na i no gat holide tu long luksave long dispela de. Bilong wanem Fraide 22 Julai i bin gat palamen sindaun we ol i bin holim wanpela Vot i no gat Bilip olsem na gavman i no redi tumas long dispela bikpela de.

Long olgeta yia i save gat ol luksave selebresen long Pot Mosbi na long ol wan wan senta we ol bikman bilong gavman i save bung wantaim ol famili na ol pablik long ol hap we i gat ol memoriel pak o samting olsem.

Gavana Jeneral bilong Papua Niugini, Gren Sif, Sir Michael Ogio wantaim sampela ami gat na ol sevis man wantaim ol famili bilong ol na ol Diplometik Ko na sampela pablik manmeri i bin kamap long Ela Beach Memoriel Pak long soim luksave na sori long dispela taim.

Gavana Jeneral i mekim toktok long wanem sakrafais i opim rot bilong bel isi

bai stap longpela taim bihain.

"Dispela de em i wanpela bikpela de long Papua Niugini stori. Bikos long dispela de long 1942, 35 man platun bilong Papua Infentri Batalien (PIB), long namba wan taim insait long stori bilong PNG i bin sutim ol gan long ol birua ami long Awala viles long Kokoda trek. Dispela ol namba wan paia i kam long ol gan em i namba wan tru long sanap banisim kantri we ol dispela man i no bin save yet long en," Sir Michael i tok.

"Yumi sanap long hia tude long tingim wanem kain sakrifais ol dispela man na ol pren bilong yumi i bin givim long nau yumi ken stap wantaim bel isi, no gat pait. Mi no save ol i tingting olsem wanem taim ol i paiaim ol dispela gan o long taim ol i karim ol pren soldia i kisim bagarap.

"Tasol insait long olgeta sakrifais ol i mekim, mi bilip olsem insait long tingting bilong ol na long bel bilong ol, ol i laikim tru olsem pait bai stop, na bai taim bilong bel isi bai kamap na wanbel bai kamap," Sir Michael Ogio i tok.

Sir Michael i tok, yumi ken soim tok tenkyu bilong yumi long ol sakrifais bilong ol dispela man long taim yumi save tingting long spirit bilong Remembrens De long stap laip yet.

"Yumi mas tingim ol wina bilong yumi husat i bin pait na i dai long woa o bikpela pait." Sir Michael i tok.

## "Yumi mas tingim ol wina bilong yumi husat i bin pait na i dai long woa o bikpela pait."



Ol PNGDF gat ov ona long Remembrens De selebresen.



PNGDF Komanda na Gavana Jeneral i putim plawa long memoriel monumen.



Ol pren bilong PNG, Australia Hai Komisina long PNG wantaim hetman bilong Australia Hai Komisen Difens i go putim plawa long memoriel monumen.

Ol foto: Nicky Bernard



CEO bilong Nesenel Geming Bod, Imelda Agon i go putim plawa long monumen.



Gavana Jeneral Gren Sif Sir Michael Ogio wantaim PNGDF Komanda, Brigedia Jeneral Gilbert Toropo i wokabout i go long memoriel pak long Ela Beach.



Ol tumbuna bilong ol soldia husat i bin dai long woa i soim rispek bilong ol long Remembrens De.

Toro



Biabia



Kanage



Autim Tingting

Toksave i go aut long pablik olsem *Wantok Niuspepa* bai ranim gen "Autim Tingting" we ol Wantok rida na pablik i ken salim teks mesej i kam long ol tingting, wari na toktok yupela i gat long ol samting i kamap long komyuniti, provins na kantri, ol samting i karamapim sait bilong sosel, politiks, iekonomik, sios, helt, edukesen na ol bikpela samting i kamap long kantri.

No ken salim teks i bagarapim ol sios, narapela manmeri, painim meri o penpren bikos *Wantok* bai no inap putim ol dispela long pepa. Sapos yu laik painim famili memba, hauslain na wanpisin i lus na yu no save em i stap we, yu ken salim teks i kam .

Edita bai gat fainol toktok long ol atikel bai kamap long pepa.

Telepon namba yu ken salim teks mesej i kam em:

71845906

Tenkyu tru  
Edita-Wantok Niuspepa

WYD 2016 Program i kamap long NBC TV:

OL YUT I WELKAMIM POP FRANCIS

I kamap long Jordan Park long Blonia long Krakow  
Fraide 07/29/2016 I kamap long NBC TV: 9:00 am

RIT BILONG KRUSE WANTAIM OL YANGPELA PIPEL

I kamap long Jordan Park long Blonia long Krakow  
Sarerey 07/30/2016 I kamap long NBC TV: 12:30 pm

PREA VIJIL

I kamap long Kempas Misericordiae  
Sande 07/31/2016 I kamap long NBCTV: 12:10 pm  
(Bai kamap tu longwan kain taim wantaim with NBC Redio – 90.70)

SANTU MISA I KAMAP LONG KEMPASMISERICORDIAE

Fainel Misa long makim pinis bilong Wol Yuit De 2016.  
Sande 07/31/2016  
I kamap long NBC TV 8:00 pm  
(Bai kamap long wankain taim long NBC Redio 90.70)



Papua Niugini yut grup long Poland i sanap wantaim ol arapela grup bilong Poland long WYD 2016 Program.



## Pres Stetmen i Kam Long Het Bisop Rt. Rev. Jack Urame

Griting i go long yupela  
long nem bilong Bikpela  
bilong yumi, Jisas Krai.



Dispela yia (2016) i makim bikpela samting insait long wokabaut bilong Evanselikal Lutheran Sios bilong Papua Niugini (ELCPNG). Dispela em yia taim dispela sios bai amamasim tupela bikpela de bilong en. Ol Lutheran insait long olgeta hap bilong kantri bai amamasim 130 yia bilong misin wok insait long kantri na 40 yia bilong misin olsem independen sios.

Namba wan German misinari, Rev. Johannes Flierl i putim lek long graun bilong PNG long 12 Julai, 1886 long Simbang, Finschhafen. Wantaim liklik stat dispela sios i gro i go bikpela taim em i kisim independen long 1976 wantaim 7pela distrik. Ol distrik em Yabem, Kate, Madang, Goroka, Simbu, Hagen na Siasssi. Twenti (20) yia bipo long independen dispela sios i kamap ples klia taim namba Wan sinot i bin kamap long 1956 long dispela ples we misinari i bin putim lek. Long dispela sinot, sios i makim Rev. Dr. John Kuder bilong Amerika olsem bisop bilong nupela sios. Wok edministresen na misin wok i bin stap yet aninit long ol ovasis misinari inap sios i ilektim namba Wan Papua Niugini man, Rev. Zurewe Zurenuoc olsem bisop. Dispela em i naispela stori bilong wokabaut i stat wantaim ol misinari long autim Gutnius stat long nambis i go antap long hailans. Sios i bin gro wantaim bikpela namba na bilip bilong en. Long 2004 namba bilong distrik i go antap long seventin (17) olgeta. Dispela em i mak bilong sios insait long misin wantaim laik long inapim Kristen bilip na witnesim Krai hapsait long solwara, long maunten na veli i no gat stop bilong en. Wok bilong God bai stap yet long olgeta jeneresen i kam bihain.

Long Januari dispela yia sios i bin holim namba 30 sinot bilong en long Heldsbach insait long Finschhafen, Morobe Provins. Dispela i makim narapela sapta bilong histri bilong Lutheran Sios taim sinot i votim

namba Wan hailans man i kamap olsem het bisop bilong ELCPNG. Na em i kamap namba 6 bisop insait long histri bilong ELCPNG. Senis bilong lidasip i soim mak bilong yuniti na sanap wantaim bilong ol Lutheran Kristen long holim han wantaim, wokabaut wantaim, na helpim wanpela na arapela long kirapim na bildim dispela sios. Taim sios i tisisim na autim tok bilong Krai, dispela sios i go het long kamapim ol sosel sevis long eria bilong edukesen na helt. Dispela sios i sanap yet na bihainim tru mak bilong wokmisiin Krai i tok long mekim long helpim na inapim long ol lain i gat sot long sosaiti. Taim sios i save yet long sot bilong en long inapim sot bilong ol pipol, em i kisim dispela wok olsem bikpela misin wok na bai go het yet long luksave long ol sosel sevis gavman i givim.

Laik bilong mekim dispela wok em i bikpela tru, tasol i no gat inap wokman, olsem Krai i tok. Olsem na wok bilong kamapim ol pasto i stap senta bilong laip na sios bai go het yet long singautim ol wokman long karim wok bilong Gospel i go long jeneresen long kam bihain. Dispela em i bikpela samting tru long daunim bruk i gat namel (gap) olsem na wokmisiin bai go moa yet. Taim dispela taim i wok long go yet histri i go long baksait na ol nupela samting i wok long kamap. Olsem na taim yumi amamasim ol bikpela de bilong sios, mipela tu i lukluk bek long ol papa bilong sios (forefathers), ol sempion bilong misin, husat i bin wokabaut insait long bikpela hevi na kamapim dispela bikpela sios. Sampela ol i go pinis na stap wantaim Bikpela, na arapela i kamap arere long stap wantaim God. Sapos ol i no bin mekim wok olsem, ELCPNG i no inap olsem nau em i stap. Mipela i givim ol bikpela rispek (homage) long ol dispela sempion na salutim ol long ol i sanapim pos yumi i sanap antap long en.

Taim yumi amamasim dispela de bilong yumi long wok yumi kamapim, yumi tingim tu ol ovasis brata na susa bilong yumi i kam long Germany, Amerika, Australia na arapela kantri, husat i biin lusim gutpela sindaun bilong ol, ples na famili, brukim solwara na bringim Gospel i kam long graun bilong yumi. Johannes Flierl i bin kam paslain na arapela ol i bihainim na kam. Ol i bin inapim misin bilong ol, na sampela bilong ol i lusim yumi na go stap wantaim Bikpela. Bun bilong planti bilong ol, ol i bin planim long graun bilong yumi. Ol arapela lain i bin go bek long asples bilong ol. Yumi i gat bikpela dinau long tok tenkyu long wok ol i bin mekim.

Long 11 Julai, 1976, taim ol i tokaut long independen, ol i bin sanapim wanpela memorial ston long het ofis long Ampo, Lae. Long dispela de, ol bilipmanmeri bilong Lutheran i bin sanap wantaim na tokaut olsem: "Em Yet Sanap." (It stands). Tude yumi kamap long 40 yia mak, na yumi ol pikinini man na pikinini meri, i sanap yet wantaim na mekim dispela tokaut i kamap nupela yet: "Mi Yet Sanap" (I Stand). Dispela tok i kam long 1 Pita 2:4 i kirapim yumi long sanap bilong yumi insait long bilip na pasin bilong bihainim wok disaipel bilong yumi long bihainim lekmak bilong Bikpela bilong yumi.

Taim yumi sanap long bilip bilong yumi, sios bilong yumi na misin bilong yumi, yumi no ken lusim tingting long driman bilong ol lain husat i bn sanapim ston mak long sios bilong yumi. Yumi mas holim driman bilong ol na mekim olsem stia bilong yumi olsem na yumi ken mov i go yet long mak ol i bin sanapim long yumi bihainim na go kamap. Long dispela taim, taim sios i wok long bungim ol nupela salens, em i gutpela long yumi mas kamapim ples klia histri bilong yumi. Long dispela rot bai yumi kamapim sanap (iden-

tity) bilong yumi, wisdom, visen na driman bilong yumi na tokaut long wok bilong ol papa na tumbuna. Long wanem, em i gutpela na soim yumi rot bilong inapim misin bilong yumi long tude.

Mi bilip na mi save olsem, ol Lutheran bilipmanmeri i redi long kisim dispela sios long ol papa na tumbuna husat i bin lusim long yumi mekim i go. I gat bikpela laik long karim Miti (Gospel) na muvim sios i go het. Mi bilip olsem bilip bilong ol i kirapim ol long winim ol mauntem, veli na brukim solwara olsem ol tumbuna bilong yumi ol i bin mekim, long wanem, misin bilong sios i no pinis yet. Mi save olsem yupela i laikim sios bilong yupela wantaim Renbo Kala na yupela i laikim Gutnius bilong Jisas wantaim olgeta gutpela bilong en.

Taim yumi lukluk i go het, yumi lukim gutpela samting i stap pas long sios bilong yumi. Dispela i kirapim yumi long yumi i sanap wantaim long tude long amamas bilong yumi wantaim het tok: "De bilong mi, Taim bilong i, na Sios bilong mi, Mi Sanap."

Mi, Rt. Rev. Jack Urame, Het Bisop bilong Evanselikal Lutheran Sios bilong Papua Niugini, ol nupela sios eksekutiv wantaim ol famili bilong mipela, mipela i sanap wantaim yupela na yumi olgeta i sanap memba bilong dispela sios, ol wantok, ol patna na ol arapela husat i joinim yumi long amamasim dispela bikpela de bilong Evanselikal Lutheran Sios bilong Papua Niugini.

Amamas bilong dispela de i bin kamap long Fraide 8 Julai i go long Tunde 12 Julai long Sir Ignatius Kilage Stadium na Headopis long Ampo, Lae. Tenkyu long yupela olgeta i bin joinim mipela long dispela selebresen amamas de na givim glori i go long God.

'Hepi 40 Anivesari ELCPNG Na Ble-set 130 Yia Bilong Misin'

# Ol sapota bilong Erdogan i selebret

**OL sapota bilong Presiden Recep Tayyip Erdogan i harim singaut bilong em long pasim ol strit na selebret bihain long em i sanap strong na stopim ol ami long tekova long gavman bilong Turkey.**

Insait long 24 aua, pes bilong Istanbul i senis. We ol pipel i bin pret na i paul nabaut, siti i kamap laip gen na ol kar i pairapim hon na ol pikinini i singaut amamas na holim ret na wait plak bilong kantri.

Tasol long Ankara, sampela hap bilong nesanel asembli bilding i bruk nabaut we ol rebel soldia i bin sutim long ol yet.

Long Sarere nait, i bin gat blekaut long eria klostu long palamen.

Mista Erdogan i bin singautim ol sapota long brukim kefiu em ol lain rebel i bin putim na kam aut long strit na helpim long rausim ol dispela lain i laik tekova long gavman.

Em i singautim ol pipel long kam aut gen na soim sapot bilong ol long taim gavman i win na rausim ol rebel soldia.

Long Kisikli skwea long Esian sait bilong Istanbul, planti tausen pipel i bung long harim Mista Erdogan i toktok klostu long haus bilong em.

Em i mekim ol strongpela toktok na i sutim tok long ol lain i laik kamapim narapela gavman na em i kolim nem bilong ples Pennsylvania – ples long USA we Fethulla Gullenm wanpela lida bilong ol Muslim i wok long stap. Bipo Gullen i bin pren bilong em, tasol nau ol i birua na oltaim, Presiden Erdogan i save sutim tok long Gullen i laik tekova long gavman.

## 'Ol i no inap rausim mipela'

Ol pipel husat i bin bung bihain long gavman i stopim ol rebel ami long tekova long gavman bilong Turkey, i tok dispela pasin i mekim gavman bilong Presiden Erdogan i kamap strong moa.

Hayrullah Kul, 55 krismas, bilong Uskudar, i tok em i amamas ol rebel i bin feil bikos em i laikim lida bilong Turkey husat i bin holim pawa long 2003 i kam inap nau. Pastaim Erdogan i bin premia na bihain em i holim wok bilong presiden.

'Ol i traim long rausim gavman tasol ol i feil. Mi

amamas ol i no win. Mipela hia i selebretim festival.

"Asde ol dispela lain rebel i bin kisim taim, i no mipela. Ol i no inap rausim mipela. Ol i bringim ol pipel Turkey i kam bung wantaim."

Planti moa manmeri na ol pikinini i pasim laplap long het i karim nem bilong Presiden Erdogan.

Turkey i gat planti hevi i stap yet we planti lain i no amamas long pasin bilong Erdogan long ranim kantri. Tasol dispela trabel ol rebel ami i kamapim i bringim ol politikal pati i kam bung wantaim.

Ol sapota bilong Mista Erdogan i tok kantri i sanap strong na bung wantaim.

"Ol Laz, Turkish, Kurdish, ol kain kain komyuniti, mipela olgeta i bilong Turkey. Dispela bung wantaim i soim wol olsem mipela i stap bung wantaim," Besir Demirozur, 29, i tokim AFP long dispela bikpela bung.

Bihain long Mista Erdogan i pinisim ol toktok bilong em, planti tausen manmeri i kapsait long ol strit na pairapim hon bilong kar na apim ol plak bilong kantri long soim sapot bilong ol.

## 'Turkey bai no inap go bek long taim nogut'

Long Yurop sait bilong Istanbul, klostu long Taksim Skwea, ol pikinini, yut na ol bikpela manmeri i mas i go daun long bikpela strit wantaim ol plak bilong Turkey na singaut "Allahu Akhbar" ("God i bikpela").

Liklik Ahmet i gat 7-pela krismas na em i kam wantaim famili bilong em. Em i tok em i amamas bikos em i laikim Turkey.

"I no gat wanpela man inap go pas long rausim gavman long kantri bilong mipela. Mipela i no inap larim ol man nogut i tekova long Turkey," Osman, 59 krismas i tokim AFP.

"Mipela i no luksave long ol olsem ol memba bilong ami," em i tok.

Inci husat i gat 27 krismas, i tok dispela pasin bilong laik tekova nating long kantri bai i no inap long kamap moa. Em i samting bilong bipo we ol militeri i gat nem long mekim dispela kain pasin. Las taim ol i tekova long gavman em long 1997.

"Turkey bai i no inap long go bek long dispela taim," em i tok.

# Ganman i sutim dai 9-pela pipel long Munich, Jemani

YANGPELA man hap Iran na Jemani i gat 18 krismas husat i bin sutim dai 9-pela pipel long Munich las Fraide i bin wokim plen long dispela insait long wanpela yia, bihain em i bin lukluk Raun long wanpela hap long saut wes Jemani we ol i bin sutim dai 15 skul pikinini.

Long Sande, polis i bin holim pasim wanpela yangpela bilong Iran i gat 16 krismas husat ol i saspektim olsem em i bin gat save long plen bilong dispela birua, tasol em i no bin ripotim.

Polis i tok dispela yut i pren bilong ganman na em i bin positim wanpela bung long Facebook long kamap long wanpela bung klostu long Munich tren stesin.

Presiden bilong Bavaria stet kraim opis, Robert Heimerger, i tok 18 krismas ganman i bin baim gan long "dark net" wanpela eria long intanet we spesel sofwea tasol inap kisim.

Em i tok ol papamama bilong ganman i bin kirap nogut tru long pikinini bilong ol na em i bin hat long toktok long intaviu.

## Jemani i kisim hevi long ol asailam sika

WANPELA asailam sika bilong kantri Syria i gat 21 krismas i bin kilim dai wanpela meri bilong Polan i stap na wok long Jemani wantaim tamiok o akis na tripela i kisim bagarap.

Polis ripot i tok dispela i no luk olsem birua we ol teroris i wokim, tasol em i wanpela wok bilong kraim.

Wanpela kar i bin krungutim dai dispela asailam sika bihain em i wokim birua long bas stesin long Reutlingen, long Stuttgart.

Polis ripot i tok dai meri na man i kilim em i dai i bin wok long wanpela fas kaikai ples we tupela i bin stat long kros long wanpela narapela na i

pinis taim man i kilim dai meri Polan i gat 45 krismas.

Polis i tok birua ya i no konek wantaim ol ISIS teroris.

Pren pasin i kamap bikpela bikos dispela i kamap tupela de bihain tasol long birua long Munich, Jemani tu we wanpela; a yangpela asailam sika i bin kilim dai 9-pela pipel na 19 i kisim bagarap.

Bipo long dispela tu, 5-pela pipel i bin kisim bagarap 4-pela de bihain long wanpela yangpela asailam sika i laik kilim pipel wantaim naip long rijonal tren stesen klostu long siti bilong Wuerzburg na kamapim bagarap long 5-pela pipel.



**Pablik i putim ol plawa long fran bilong Olimpia soping eria.**

Polis i tok ganman i no bin makim husat long sutim, tasol em i sut nating nating na kilim dai pipel.

Bihain long dispela birua, ol atoriti long Jemani i laikim strik kontrol long ol gan, o mekim ol strongpela gan lo long stopim ol birua long kilim dai narapela man.

Ganman i bin paiarim gan long wanpela bisi soping senta long las Fraide

nait we em i bin sutim dai 9-pela pipel, kamapim bagarap long 35 pipel na bihain, sutim em yet.

Sutim na kilim dai long Munich em i namba tri birua i kamap long Westen Yurop na namba tu long saut Jemani insait long wanpela wik.

Ol opisel i tok dispela ol suting long gan i no hap bilong ol wok Islamik teroris grup.



**Wanpela polisman long ples we ol sutim dai ol man long Reutlingen, Jemani. Polis lain long hap we birua i bin kamap.**

## US Ileksen: Bai Donald Trump i winim Hilary Clinton husat i tromoim bikpela mani tru long kempen?

AMAMAS, drama, muvi lain na kopim toktok- stap long Nesanel Konvensen bilong ol Ripabliken long Clevelen, Amerika.

Tasol nau, bikpela lukluk i stap. Olsem wanem na Ripabliken kendidet, Donald Trump bai winim ileksen long mun Novemba?

Jenelis bilong Australia, Johanthan Swan, husat i wok wantaim biknem politikel midia bilong Amerika ol i kolim, The Hill, i wanpela long ol liklik lain US jenelis i bihainim dispela kempen we bikpela mani i save kapsait i go long ol politikal kempen na i tok bikpela hap long dispela em i konek wantaim mani.

### "Mipela i no save lukim kain eksperimen olsem"

Swan i tok tru, Donald Trump i wanpela bilienia, tasol mani i go long kempen bilong em i no bikpela.

Em i tok Donald Trump i no winim sapot bilong ol dona klas bilong Ripa-

bliken Pati, nogat.

Ol bilienia na multi bilienia husat i save sapotim ol kain kempen olsem i stap longwe long en, planti ol i les na ol i no laik stap klostu long en. Planti i laikim em long kamap nomol. Planti i tok Mista Trump bai no inap win.

Swan i toktok long sampela ol Ripabliken milienia na ol kempen fanresa na ol i tok ol i no laik sapotim kempen bilong Mista Trump o ol i no laik kamap hap long en. Tru i gat sampela mani i wok long go insait long kempen bilong Mista Trump, tasol dispela em i liklik hap tasol.

Em i tok Hilary Clinton i wok long winim Trump long sait bilong tromoim mani long kempen.

Ol i save tromoim moa long US\$550 bilien na Hilary i tromoim bikpela manimak pinis taim Trump i nogat. Em i yusim fri midia bilong em, fri kebol midia, tweet na ol arapela moa fri midia taim Hilary i yusim bikpela manimak bilong em yet long etvatais na kempen, Swanson i tok.

Em i tok Trump em i stap baksait long

US\$550 bilien manimak long Hilary Clinton husat i plenim gut long bildim gutpela kempen network long olgeta hap bilong kantri. Em i gat 700 woklain taim Trump i gat 70 tasol, Swan i tok.

Em i tok ol lain bilong Trump yet i tok Trump bai no inap kamap o winim manimak bilong kempen bilong Hilary Clinton.

Em i tok planti lain i tok olsem Trump bai no inap long win.

Em i tok dispela em i narakain kempen we wanpela man i no yusim ol hai pawa IT long moden kempen taim narapela i yusim ol na wokim gutpela kempen i tromoim mani long en.... em i narakain, Swan i tok.

Em i tok tupela kendidet ol i makim long sanap long presiden resis nau long Amerika- Donald Trump na Hilary Clinton- em tupela kendidet i no feveret bilong pipel.

Tasol em i bilip olsem Hilary bai win bikos em i strongim ol kempen network long ol 12-pela stet, olsem ol narapela bipo. Dispela em ol 12-pela stet we i save givim ol bikpela vot.



# Oil Search lusim plen bilong baim InterOil

Peter Botten.



**OIL na ges kampani bilong PNG, Oil Search, i wanbel long ExxonMobil i laik givim bikpela mani long InterOil Corp na baim 100 pesen sea na ol samting bilong dispela kampani.**

Long mun Me, Oil Search i bin laik baim InterOil long K7 bilien tasol ExxonMobil i tok long givim bikpela mani moa long InterOil.

Long las wik, Menesing Dairekta bilong Oil Search, Peter Botten, i tok ol bai no inap putim sampela moa mani gen long baim InterOil bikos dispela em i no gutpela long helpim ol siaholda bilong Oil Search.

Mista Botten i tok Oil Search i putim i go pas ol seaholda bilong em, na long gutpela bilong ol seaholda, Oil Search bai no inap putim gen sampela moa mani antap long baim InterOil.

"Mipela i amamas long wok bung wantaim Exxon-Mobil na Total SA long nu-

pela Papua LNG Projek," Mista Botten i tok.

Em i tok Oil Search i kirapim tingting bilong sampela ol biknem kampani long baim InterOil na no gat wanpela samting i rong long dispela samting.

"Mipela i wok long lukluk go het yet long kisim 29 pesen sea bilong mipela long Papua LNG projek na kamap patna wantaim Total SA (na ExxonMobil sapos em i baim InterOil) long kirapim namba tu LNG Projek bilong kantri," Mista Botten i tok.

Em i tok Oil Search em i trupela kampani bilong dispela kantri na bihain taim bilong Oil Search bai stap wantaim bihain taim bilong dispela kantri.

Mista Botten i tok Oil Search bai no moa bihainim pastaim plen bilong em long bai InterOil Corp long K7 bilien bikos ExxonMobil i laik baim dispela kampani long bikpela mani mak moa.

## MRDC no wanbel long toktok bilong Kua

**Oposisen Lida Don Polye na Mema bilong Sinasina-Yongomugl, Kerenga Kua, wantaim Gren Sif Sir Michael Somare long las wik.**

BOD ov dairekta bilong Mineral Resources Development Company (MRDC) i no wanbel long wanpela toktok Mema bilong Sinasina-Yongomugl, Kerenga Kua, i mekim long redio tok bek so long FM 100 long las wik Trinde.

"Mipela i no wanbel long toktok bilong Mista Kua, husat i bin tok Menesing Dairekta bilong MRDC i bin rausim sampela mani bilong ol papagraun we MRDC i lukautim long tras fan long helpim Praim Minista Peter O'Neill i bungim ol memba long strongim namba bilong memba long gavman sait," MRDC i tok.

MRDC i tok dispela toktok bilong Mista Kua i no stret na MRDC i ken kisim em i go long kot bikos em i bagarapim nem bilong Menesing Dairekta (Augustine Mano) na tu bagarapim nem bilong ol bod ov dairekta, na ol papagraun, husat i seaholda bilong dispela kampani.

MRDC i tok dispela toktok bilong Mista Kua em i 'rabis toktok' na ol bod ov dairektas i rabisim dispela toktok bikos i no gat wanpela evidens long soim olsem MRDC i rausim mani long tras akaun na givim long Praim Minista O'Neill long yusim long Alotau kemp.

Tok win i wok long raun olsem MRDC i bin givim K30 milien long gavman long yusim taim ol i bin mekim kemp long Alotau long las wik.

MRDC em i wanpela kampani long PNG we em i save lukautim ol ekwiti mani bilong ol papagraun bilong oil,

ges na maining projek insait long PNG.

Em i gat Mama Lo o Konstitusen (2003) bilong em yet i stap na opresen bilong kampani i save bihainim lo bilong ol kampani (Companies Act 1997).

"Long sait bilong kopret gavanens, MRDC i gat Konstitusen bilong em yet i stap, na antap long en, olgeta opresen bilong em i bihainim lo bilong kampani," MRDC i tok.

MRDC i tok Menesing Dairekta bilong kampani i no gat pawa long mekim wan men disisen o ranim opresen bilong kampani long laik bilong em yet, tasol em i save olgeta taim askim bod ov dairekta sapos em laik rausim kain bikpela mani olsem.

"Menesing dairekta i save tokim ol memba bilong bod ov dairekta, husat i lukautim ol sabsideri kampani bilong MRDC," MRDC i tok.

"Anit long lo bilong oil na ges long PNG, i gat ol kopret trasti bod i stap, na ol dispela trasti i save makim maus bilong MRDC na lukautim ol tras fan o mani i stap long tras akaun.

"I gat wan wan ol tras agrimen i stap na no gat wanpela man tasol i save ranim kampani. No gat wanpela menesing dairekta i save ranim kampani o rausim mani long dispela tras akaun long laik bilong em yet," MRDC i tok.

MRDC i tok ol toktok bilong manmeri long sosel midia na toktok bilong sampela ol bikpela lida bilong kantri olsem Menesing Dairekta bilong MRDC i kisim K30 milien long tras akaun bilong

kampani, em i no stretpela toktok.

"Dispela kain toktok bilong manmeri i ken bagarapim ol projek bilong MRDC na bisnis patna bilong em. Ol seaholda, husat i papagraun bilong oil, ges na maining projek tu bai tingting planti long MRDC i lukautim mani bilong ol.

"Dispela kain toktok em i rabis toktok. MRDC i no givim wanpela mani long sapotim gavman," MRDC i tok.

Long wankain taim, ol manmeri i bin mekim planti toktok long Facebook olsem Hides Gas Development Company (HGDC) tu i bin givim K30 milien long Praim Minista O'Neill long yusim na mekim wok long Alotau kemp.

Eksekutiv Siaman bilong HGDC, Tuguyawini Libe Parindali, i tok dispela toktok em i no stret.

"No gat wanpela mani bilong HGDC go long sapotim kemp bilong gavman long Alotau las wik. Ol man i wok long bagarapim nem bilong kampani nating na sapos mipela i holim dispela man, bai mipela kotim em," Mista Parindali i tok.

Em i tok HGDC em i kampani bilong papagraun na dispela kampani i gat ol bod memba husat i save putim han mak o signesa taim ol i laik rausim mani.

HGDC i bin autim wanpela midia stetmen ong las wik Fraide na tok klia olsem dispela toktok em no tru.

Olgeta dairekta bilong HGDC i sainim signesa bilong ol long dispela niuspepa notis, na i tok HGDC i no givim wanpela toea long Praim Minista O'Neill.



## Micah tokim ol investa long kam bihain

OL investa na bisnis manmeri long ausait husat i laik kam insait long kantri na mekim bisnis i mas kam bihain long 2017 Nesenel Ilek-sen taim kantri i gat nupela gavman na gutpela praim minista, Mema bilong Kavieng Ben Micah i tok.

Mista Micah, husat i bin pastaim Minista bilong Petroleum na Eneji long O'Neill-Dion Gavman, i tok dispela gavman i no gutpela gavman bikos wanpela no gut Praim Minista i ranim dispela gavman.

Em i askim ol investa na bisnis manmeri long lukluk gut na skelim toktok gut sapos ol i laik kam insait long PNG na mekim bisnis, bikos nau yet ol investa i no gat wanpela bilip long gavman bilong O'Neill.

Mista Micah i tok ikonomi bilong kantri i go daun na em i les long kisim nem no gut sapos em i stap yet long gavman.

Long gutpela long dispela kantri, em i tok em i mas tokaut na tok stret bikos ikonomi bilong kantri i save ran gut sapos planti ol investa i kam insait na mekim bisnis.

"Mi mas tokaut. Ol investa i no ken kam insait nau yet sapos ol i laik mekim bisnis long dispela kantri. Ol i mas wetim neks yia, na bihain long ileksen, sapos wanpela gutpela na nupela gavman wantaim praim minista i kamap, ol i mas kam mekim bisnis long hia," Mista Micah i tok.

Mista Micah i lusim gavman na i stap long Oposisen

bikos em i les long Mista O'Neill i bagarapim kantri.

Fainens Minsta James Marape i tok pasin bilong Oposisen mekim kainkain giaman toktok i wok long pretim ol investa na bisnis manmeri husat i laik kam mekim bisnis long kantri bilong yumi.

Em i tok wanpela pasin bilong Oposisen we i no stret na gutpela em i dispela vot i nogat bilip we i bin kamap las wik Fraide.

"Em ol westim taim na pretim ol investa husat i laik kam insait long kantri na mekim bisnis. Ol Oposisen i westim taim nating long kirapim dispela vot i no gat bilip.

"Dispela vot i no gat bilip igat planti no gut bilong em i stap. Ol investa bai les long



**Ben Micah wantim ol Maimai bilong em long Laguna Hotel las wik.**

kam insait long kantri, gavman i westim gen mani long dispela bung bilong Palamen, na westim taim bilong ol manmeri," Mista Marape i tok.

Em i tok Gavman bilong O'Neill-Dion em i gutpela gavman, i no olsem ol gavman bipo bikos pipel i lukim planti gutpela developmen

na sevis i kirap insait long sotpela taim tasol.

"Insait long 4-pela yia tasol, em i ples klia. Planti gutpela samting i kamap long olgeta hap bilong kantri bilong yumi. Planti ol bikpela investa i wok long kam insait long mekim bisnis long hia bikos ol i gat

strongpela bilip long gavman," Mista Marape i tok.

Em i tok sapos ol investa i no gat bilip long dispela kantri na dispela gavman, kain ol biknem kampani olsem ExxonMobil, Total SA, na arapela ol bikpela kampani bai no inap kam insait long PNG na inves hia.

# Awenes wokso long strongim hailans turisem

**PNG Turisem Promosen Atoriti (TPA) i tok turisem industri em i karamapim olgeta sekta olsem na gutpela bilong turisem i nidim sapot bilong olgeta sekta wantaim.**

TPA Sif Eksekutiv Opisa, Jerry Agus i mekim dispela toktok long turisem industri memba na ol Stekholda long wanpela bung bilong ol long Maun Hagen sampela wik i go pinis – em i namba wantaim tru long hailans rijon turisem industri memba i holim wanpela wokso aninit long nem bilong “Netwok na Stekholda Kolaboresen i go long Yusim Olgeta Rot bilong Turisem long Hailans Rijon”.

Mista Agus i tok i gat nid tu long ol politikal lida i go daun long ol pipel long komyuniti long i gat strongpela tingting long helpim turisem developmen long PNG.

“Nau em i taim bilong kamapim strong turisem industri olsem namel industri bilong strongim ikonomi long taim maining na petrolum taim, i ken sanap strong yet,” em i tok.

Mista Agus i tok turisem em i sekta we i no save brukim ol yangpela na lapun, man i gat save

na i no gat save long kain kain wok i wankain tasol, yu man o meri bikos turisem em i wok bilogn olgeta lain long givim samting na tu long kisim samting long en.

“Samting we i no stap em strategik patnasip wantaim olgeta stekholda na gavman we bai industri na stekholda i mas wok wantaim long wei i gat mining,” em i tok.

“Sapos olgeta lain long PNG inap long luksave olsem turisem em i gutpela samting na givim taim bilong ol long wok long strongim turisem, bai olgeta lain i ken kisim gutpela samting long en.”

Mista Agus i tok hailans rijon i gat planti naispela turisem ples olsem; Mt Wilhelm, Asaro Mudman, Huli Wigman, Waghi River na Kagul River waitpela wara rafting, Beaver Falls, Silimuli yangpela meri tumbuna singsing grup, Kuk Historical Site, Baiyer River Wildlife Sanctuary, Bird Watching, Trekking na Nature Tours na lively tumbuna kalsa na planti moa.

Em i tok ol narapela samting i ken kamap arere long ol dispela bikpela ples long i ken salim long

wol i kam long lukim.

Em i tok ol pipel bilong hailans em ol i gutpela lain bilong mekim pren na lukautim ol pipel tasol planti taim ol i save kisim nem nogut bikos long lo na oda hevi olsem na TPA i laik kamapim ol bikpela awenes program bilong turisem long rijon.

Namba wan spika na Turisem Ats na Kalsa Minista, Tobias Kulang i tok ol i mas kondinetim gut turisem developmen na bringim helpim long ol hailans na long narapela hap bilong kantri, moa long ol provins we gavman i makim olsem hap bilong Turisem.

Mista Kulang i tok ol bikpela objektiv bilong hailans rijon nau bai kamapim ol pantnasip wantiam olprovinsal gavman, kamapim ol bikpela masta plen bilong wan wan provins, kamapim ol provinsal turisem opis na kamapim provinsal turisem industri asosiesen na bilong TPA i stap long ol rijon.

Moa long 150 pipel long 7-pela hailans provins we Hela na Jiwaka tui bin stap i bin stap long dispela wokso long Maun Hagen.

## Rais fam bai helpim ol fama

SMOL holda rais projek bai klostu go aut long Wes Nu Briten, bihain long wanpela pailot projek i kamap long Kapore insait long Mosa Lokal Level Gavman.

Sikspela oil pam blok long Kapore i bin go insait long traime dispela smol holda growa program na ol dispela fama i amamas long ol i stap insait long dispela program.

Wan wan blok i wok long kisim mo along 4-pela tan wantaim wanpela husat i traime ol Dongara kain kain samting inap long 5-pela tan insait long wanpela sekta.

Ol lain husat i bin stap long Trukai Mini Rais Fil de long Kapore long las wik Fonde i bin kisim toksave olsem ol i ken baim rais we planti bai go insait long rais mil bilong kaikai.

Trukai Egrikalsa Menesa, Jarrod Pirie, i tok Trukai industri bai givim trening na maket bilong smol holda program.

Long wankain taim, Provinsal Eksekutiv Kaunsil memba, husat i bin go long Mini Rais Fil de, Dacca Wagai na Lucas Kurgi, wantaim Provinsal Edministreta, Williamson Hosea, i tok Provinsal Gavman bai givim olgeta sapot long Trukai program.

Ol i tok rais projek bai go long ol smol holda long Graun Setelmen Lis

na Viles oil pam blok olsem narapela we bilong kisim mani ausait long ol pam.

Ol i tok amamas long Trukai industri long patna wantaim Wes Nu Briten Provinsal Gavman long program bilong planti rais program aninit long wanpela Memorandum ov Agrimen we ol i bin sainim pinis long las yia.

Wes Nu Briten Provinsal Gavman i lukim dispela projek olsem wanpela we bilong helpim Len Setelmen Skim (LSS) blok nau ol i stap olsem namba 4 na 5 lain tumbuna, na namba bilong ol go bikpela moa na i no gat inap graun insait long ol oil pam blok bilong ol na ol i save stap long mani i kam long wanpela rot tasol.

Insait long dispela program, taim ol smol holda i wok long wetim taim bilong planim gen oil pam, ol inap planti rais na ol i wet yet long planti ol oil pam bilong ol. Rais bai gro insait long tripela mun tasol na ol bai rausim pastaim long ol bai planti gen oil

Trukai industri, WNB Provinsal Gavman, ol narapela lain i makim ol stekholda, ol fama husat i givim nem bilong planti rais, i bin kamap long Kapore long lukim Namba wan Mini Rais Fil de.



### TribeFM Teen Ekselens Awot 2016

**Nominetim ‘Teen Hero’ bilong yu**  
*Yu save long wanpela yangpela man o meri husat i soim pasin bilong lidasip na save long planti wok insait long komyuniti?*

2016 nupela TribeFM Teen Ekselens Awot bai selebretim 7-pela yangpela man na meri bilong olgeta hap bilong Papua Niugini, krismas bilong ol namel long 13 na 19 husat i soim olsem ol i gro o senisim pasin, lidasip na ol i gat komitmen long komyuniti ol i stap long en.

#### OL KATEGORI NA KRAITIRIA

*Ol nomini i mas soim ol ko veliu bilong gro o senisim pasin, lidasip na komitmen.*

#### HELT NA WELFE

Dispela yangpela man o meri bai soim olsem em i gat strongpela pasin bilong kamapim gut helt bilong em na bilong ol narapela husat i stap insait long komyuniti bilong ol wantaim ol aktiviti we i save strongim ol tingting na pasin bilong gutpela helt long ol skul, famili na ol komyuniti grup.

#### MUSIK NA ATS

Em bai soim olsem dispela yangpela man o meri i gat namba wan kain save na stail bilong ats na music na sapela taim em i yusim long kamapim senis insait long ol komyuniti bilong em.

#### SPOT

Dispela yangpela man o meri bai soim gutpela pasin bilong stap strong long spots na i pilai gut tru na em i yusim save na stail bilong em long kamapim gutpela sindaun long komyuniti.

#### KOMYUNITI

Dispela yangpela man o meri i soim olsem em i save tingim nid bilong ol narapela pipel pastaim long em yet, na em i save givim ol taim bilong em yet na strong bilong em long helpim komyuniti bilong em.

#### EDUKESEN

Dispela yangpela man o meri husat i soim olsem em i save mekim gut long edukesen bilong em o i kamap gut long skul bilong em, o husat i gat stori long em i save helpim ol narapela lain long lainim samting.

#### BISNIS NA INOVESEN

Dispela yangpela man o meri i mas soim olsem em i save painim ol nupela kain we bilong wokim samting na i mekim wanpela wok bisnis we i helpim em yet na komyuniti bilong en.

#### DISABILITI

Dispela yangpela man o meri i mekim senis long helpim ol lain husat i gat disability, na tu ol yangpela man na meri husat i gat disability tasol i wok long senisim laip bilong ol yet na bilong komyuniti tu.

#### WEI BILONG NOMINETIM MAN

Pulimapim dispela fom wantaim olgeta stori bilong wanem yangpela man o meri yu laik nominetim. Sapos yu lusim sampela hap bai mipela i no inap kisim fom bilong yu.

**Ol entri i MAS kam insait long 5 klok apinun long Fraide 22 Julai 2016.**  
Plis givim fom bilong yu i go long TRIBE 92FM long wanpela bilong ol dispela kain wei:  
Salim pas: Tribe92FM, NBC, P O Box 1359, Boroko, Port Moresby, PNG.  
Yu yet bringim i go long wanpela provinsal NBC OPIS klostu long yu  
Salim long Fesbuk pes bilong TribeFM (salim wanpela poto bilong fom yu pulimapim pinis)  
Salim long Whatsapp i go long 70199105 (salim wanpela poto bilong fom yu pulimapim pinis)  
Yu ken ring long telepon namba 325 3439 namel long 8.30 moning taim i go long 4.30 long apinun, Mande i go Fraide o salim email long [wgorogo@nbc.gov.pg](mailto:wgorogo@nbc.gov.pg).

## NOMINETIM ‘TEEN HERO’ BILONG YU LONG NUPELA TRIBE92FM TEEN EKSELENS AWOT

Plis TIKIM WANPELA bilong ol dispela kategori long nominetim TEEN HERO bilong yu:

- ★ HELT NA WELFE
- ★ EDUKESEN
- ★ DISABILITI
- ★ SPOT
- ★ KOMYUNITI
- ★ BISNIS NA INOVESEN
- ★ MUSIK NA ATS

#### STORI BILONG NOMINI (Teen Hero):

Nem bilong em: \_\_\_\_\_

Adres bilong em: \_\_\_\_\_

Bon De: \_\_\_\_\_

Fon namba bilong em: \_\_\_\_\_

#### STORI BILONG NOMINETA:

Nem bilong em: \_\_\_\_\_

Rilesensip bilong Teen Hero bilong yu wantaim yu (papamama, tisa, Sios lida):  
\_\_\_\_\_

Adres bilong yu: \_\_\_\_\_

Fon namba bilong yu: \_\_\_\_\_

### Long narapela hap pepa, tok klia long wanem as na Teen Hero bilong yu i mas kisim luksave long dispela yia Awot bilong TTEA. Pasim dispela pepa wantaim dispela fom.

Yu **MAS** soim klia ol **sampela eksampel** bilong soim wok we dispela yangpela man o meri i soim long gro bilong em yet, lidasip na komitmen long kategori yu wok long nominetim em.

#### Ol Lo bilong go insait:

- Em i op long olgeta lain i stap insait long PNG
- Krismas bilong ol nomini i mas stap namel long 13-19
- I ken nominetim ol grup/tim
- Ol nominesen i mas stret na i kam stret long yu
- TribeFM bai makim sampela lain long skelim na makim
- Sapos ol jas i lukim olsem i no gat gutpela lain long wanpela kategori, bai i no gat awot long dispela kategori
- Ol lain i stap long fainel mak bai kisim toksave long telepon
- Ol wina bai kisim awot/fainensel sponsasip we bai ol i mas yusim gen long wanem kategori ol i win long en
- Nem na poto bilong ol wina bai kamap long ol media

Sapot i kam long:



# Sharks i daunim Knights long strongim NRL fom

PILAIIA bilong ol Cronulla Sharks, Ben Barba, i soim stail kala bilong em na i go pas long ol Cronulla long daunim ol Newcastle Knight, 36-4, long Shark Park pilai graun.

James Maloney i no bin pilai long las wik Sande na Barba i kamap namba wan long helpim ol Sharks long namba 15 stret win na dispela i soim olsem ol i stap long top ples yet long NRL lata.

Barba i putim tupela trai long ai bilong 16, 882 manmeri husat i lukim dispela resis.

Long wankain taim, Valentine Holmes i putim tupela trai long amamasim 21betde bilong em. Sharks em i namba 4 tim long histori long winim 15 stret gem long dispela sisen.

Ol Knights i stap las long lata i lus long 12 stret gem. Wanpela trai bilong ol Knights i bin kamap long 64 minit bilong namba tu hap bilong resis.



Sosaia Feki bilong Sharks i putim trai.

# Tigers bai bung long toktok long Farah



Ol sapota i banisim Robbie Fara bihain long NSW kap resis.

OL Wests Tigers bai bung long toktok long Robbie Farah i mekim sampela toktok long klap long dispela wik taim sif eksekutiv, Justin Pascoe, i kam bek long holide.

Pascoe i no stap long klap long wanpela wik, tasol em bai kam bek klostu taim holide i pinis.

Namba wan samting ol bai toktok long dispela bung em long bikpela toktok i kamap namel long kosa, Jason Taylor, na Farah.

Bihain long Farah i go aut long Tigers na ol i bin daunim St George Illawarra long Sande long raun namba 20, Taylor i tok long em bai bungim Pascoe na toktok long dispela tokpait i kamap.

"Taim mi arim gut long ol dispela toktok,

Farah i bin pilai wanpela gem we em i bin bekim toktok i kamap namel long mi na em," Taylor i tok.

"Mi tok stret olsem dispela toktok i no inap long go aut long pablik. Dispela toktok em mipela bai stertim insait long yumi yet na em bai stap olsem."

Farah i tok olsem ol i strong long rausim em long klap na Taylor i tokaut long plablik long wanem astingting ol i rausim em.

'Mi bai go het long stap olsem profesenel na pasim maus bilong mi na mi bai no inap long mekim wanpela asua bikos mi ting olsem dispela em i wanem samting ol i laikim mi long mekim. Tasol, mi ting olsem mi i smat long dispela," Farah i tok.

# Rio 2016



## Tim long Rasia bai no inap lukluk long blenket ben wari

INTENESENEL Olimpik Komiti bai no inap lukluk long blenket ben long Rasia long Rio Olimpik Gem bai kamap long mun i kam aninit long drag rekot bilong Rasia, tasol bai lusim ol disisen long han bilong wan wan etlit husat bai resis long taim bilong gem.

Toksave bilong IOC i kamap bihain long Wol Anti-Doping Ejensi ring long Rio ben.

Eksekutiv bod bilong wol gavaning bodi i gat 15 memba i bung long Sande na i tok olsem wok bilong makim ol etlit bilong Rasia i stap long han bilong ol intanesenel federesen.

Presiden bilong IOC, Thomas Bach, i tok, "Mipela i setim namba bilong ol etlit long mak." Dispela i strongim ol eksen egensim doping skendel long histori bilong Olimpik muvmen.

Rasia etletik tim em ol i bin stopim long resis long Rio bikos long stet sponsa doping o stet i givim tok orait

long yusim ol drag long strongim ol long pilai. IOC i no tok orait long bid bilong wisilbloa o man i bin autim dispela nius stet i sponsaim doping, na 800 mita rana bilong Rasia, Yuliya Stepanova, long resis olsem nutrol etlit bihain long ben.

"Tasol IOC Eksekutiv Bod soim tenkyu na amamas bilong em long Stepanova long em i bin stap wantaim na pait egensim doping long strongim lo bilong spot," IOC Eksekutiv Bod i tok.

Spot Minista bilong Rasia, Vitali Mutko, i tok olsem disisen i kliia olsem olsem ol etlit bilong Rasia bai resis.

"Mi ting olsem planti bilong intanesenel federesen bai strongim rait bilong ol spot pipel long wan wan spot ol i save resis long Olimpik Gems," Mutko i tok.

US Enti-Doping Ejensi i tok IOC feil long soim lidasip bilong em wantaim disisen bilong em.

## Bolt i strongim Rasia long strongim ol etlit



Usain Bolt i amamas.

## Stopim Rasia long Rio resis em i asua



Etlit bilong Rasia i apim plak long London Olimpik.

NAMBA wan rana, Usain Bolt, i bilip olsem kot disisen bilong ol drag long Rasia bai daunim namba bilong ol etlit long Rasia bai go resis long Rio. Salim toksave olsem dispela kain drag em ol bai no inap tok orait long taim bilong resis.

Kot i rausim apil bilong 67 etlit bilong Rasia husat i laikim kot long rausim disisen bilong ol na tok orait long resis long Rio.

Long wankain taim, Bolt i redi long resis long namba wan 200 mita resis bilong em long Anivesari Gems long London long Fraide

INTENESENEL etlit na US enti-doping sif i toktok strong long Inatenesenel Olimpik Komiti (IOC) long ol i asua long stopim Rasia long resis long Rio Olimpik Gems. IOC i givim wok long intenesenel spot federesen long rausim ol etlit long gem we ol bai stat long Ogas 5, 2016.

Wol rekot holda bilong Maraton, Paula Radcliffe, i tok, IOC i tok nogat long Rasia bai resis long Olimpik em i "nogut de bilong klinpela spot" na baisikol resis gol wina bilong Britain, Chris Hoy, i tok, ol opisal i "abusim asua".

Wan wan Rasia Olimpik etlit i mas go aut long wan wan spot federesen bilong ol. Wanpela save man bilong Kot long mekim disisen bilong spot i tok orait long

bikos em i go long tes pas long Rio Olimpik Gems.

"Mi amamas bikos mi bin trening gut na nau mi pilim orait long resis," Bolt i tok.

Bolt i bin winim tripela Olimpik gol medal long London 2012 long 100 mita resis, 200 mita na sprint rila.

I luk olsem dispela tripol resis em i las resis bilong em.

"Dispela bai kamap histori na mi amamas long ranim wanpela so we olgeta lain long wol bai lukim.

"Dispela em i fainel Olimpik resis bilong mi na em i bikpela samting," Bolt i tok.

disisen bilong federesen na las toktok bilong IOC.

Dispela bai kamap insait long tupela wik long ol etlit moa long 300 we Rasia Olimpik Komiti i makim long resis long Rio.

Presiden bilong IOC, Thomas Bach, i tok olsem ol etlit bilong Rasia i mas winim mak gut long go resis long Rio Olimpik.

Sef de Misin bilong Australia, Kitty Chiller, ol etlit bilong Rasia i gat bikpela mak long winim bipo long go resis long Rio, tasol i strongim ol etlit bilong Australia long stap na lukluk.

Spot Minista bilong Rasia, Vitali Mutko, i tok tenkyu long disisen bilong IOC na i tok olsem dispela em i mak we ol etlit bai winim long go insait long Olimpik famili.



# GLASIM RAMU NICO PROJIEK



*Wanpela Ramu Nico, Wanpela Komuniti*

# MRA givim tok orait long Ramu NiCo i wok gen



Tupela MRA Inspekta Joseph Omare na Simon Gena i lukluk raun long HPAL eria long Basamuk Rifaineri wantaim Vais Presiden bilong Ramu NiCo, Wang Baowen.



Ramu NiCo Presiden Wang Jicheng i givim strongpela toktok long sait long bihainim ol lo bilong sefti na lukautim gut ol wokman.



Trening long diwai long Kurumbukari Main we MRA givim tok orait long wok i kamap gen.



MRA Inspekta Joseph Umare sekim operesen long Basamuk Rifaineri

**OL MAINS Inspekta bilong Mineral Risoses Atoriti (MRA) i givim tok orait long Ramu NiCo Menesmen (MCC) Ltd, long karimaut aut wok bilong em gen. Dispela bikpela tok orait long Kampani ken mekim ol wok bilong en i kamap long Fonde, Julai 21.**

Mains Inspektoret bilong MRA i givim tok-orait tu long Ramu NiCo long statim gen operesen bilong hai preses esid litsing (HPAL) na tu i givim oda olsem wok bilong brukim ol ston yusim ol danamait i ken kamap long laimston main bilong en long Basamuk maunten klostu.

MRA i bin givim oda long Ramu NiCo long pasim wok long HPAL trein 3 bilong en long Epril 15. Dispela stop-wok oda i bin kamap bihain long wanpela birua i bin kamap we i lukim wanpela wokman bilong Saina i bin lusim laip bilong en.

Ol MRA inspekta bihain long wok sekim

bilong ol long las wik i go pinis i givim tok-orait nau olsem HPAL trein 3 i ken statim wok gen na ran wantaim HPAL trein namba 1 na trein namba 2.

Ramu NiCo Basamuk Rifaineri Deputi Jeneral Menesa, Adam Lukey, husat i tokaut long dispela gutpela nius i tok olsem dispela em bikpela samting long Ramu NiCo long em i ken go het long mekim wok bilong en nau olsem ol i kisim tok orait pinis.

Mista Lukey i tokaut long dispela fran long Presiden bilong Ramu NiCo, Wang Jicheng wantaim ol arapela vais presiden bilong Kampani long Basamuk Rifaineri long las wik Fonde. Dispela bikpela tok save em ol lain menesmen bilong Ramu NiCo long Kurumbukari Main na Madang Operesen Bes tu i lukim long vidio long wankain taim.

Mista Lukey i tokaut tu olsem dispela tok-orait i gat ol kondisen bilong em we Ramu

NiCo i mas bihainim. Dispela ol kondisen i go wantaim ol ripot we i bin kamap pastaim long sit long Ted Pati Investigesin Ripot long HPAL trein 1 na trein 2 na HPAL trein 3 Insiden Investigesin Ripot we Ramu NiCo i givim i go long MRA Mains Inspektoret.

Narapela gutpela nius long dispela wik long Ramu NiCo Projek em taim MRA Mains Inspektoret i givim tok orait long wok i ken stat long loging operesen long Kurumbukari Main sait.


MRA Mains Inspekta i givim tok orait pepa long Mande, Julai 25 bihain long ol mekim wok painimaut long Kurumbukari Main na loging trening eria long Sande Julai 24.

Wok loging o wok bilong katim daun diwai pastaim long maining i ken kamap i bin stop long mun Ogas las yia bihain long wanpela birua i bin kamap taim wanpela wokman bilong kontrakta i kisim bagarap.

Mista Lukey i tok olsem Ramu NiCo long wok bilong en olsem bisnis i mas karimaut ol wok sefti sekim long Rifaineri yusim ol saveman stret na em i mas givim ol ripot oltaim long sait long helt na sefti bihainim taim stret em MRA i laikim. Ol dispela samting i stap insait long 20 kondisen MRA i givim long Ramu NiCo i mas bihainim.

Presiden bilong Ramu NiCo (MCC), Mista Wang i tok ol menesa bilong ol teknikal dipatmen long Basamuk Rifaineri i mas senisim sampela stail bilong ol long wok na pusim moa wok i go fowat long bihainim gutpela sefti stendet.

Em i tokaut tu olsem dispela birua we i bin kamap long Epril 12 maski olsem em bikpela hevi, em i mas stap tu olsem gutpela lesen o piksa we ol arapela wokman na menesmen i mas lainim na wokim gut wok long sait long sefti.



135 KM Slurry Pipeline

KBK Mining

BSK Refinery

# Sir John na Waiwai i tok tenkyu long ol sapota



**PRESIDEN** bilong Papua Niugini Olimpik Komitit (PNGOC), Sir John Dawanincura.



**Sef de Misin** bilong Tim PNG long 2016 Rio Olimpik Gems, Emma Waiwai.

**PRESIDEN** bilong Papua Niugini Olimpik Komitit (PNGOC), Sir John Dawanincura, na **Sef de Misin** bilong Tim PNG long 2016 Rio Olimpik Gems, Emma Waiwai, i tok tenkyu long ol sapota na ol etlit bai go resis long Rio.

Sir John i amamas na tok tenkyu long ol etlit i winim mak bilong Olimpik resis.

Sir John i tok moa olsem prais bilong hat wok ol etlit i mekim em ol i winim mak long go resis long Rio na nau ol i lukluk long winim wan wan resis bilong ol o lus long resis.

"Mi laik tok tenkyu long sapot we Nesanel Gavman i givim aninit long Go bilong Gol fanding. Dispela sapot i strongim ol trening na resis bilong ol etlit bilong mipela inap long 4-pela yia i go. Ol i bin resis long 2015 Pasifik Gems na nau ol i kamap kwalifai long Olimpik resis," Si John i tok.

"Mi tok tenkyu tu long ol Kopret Sponsa bilong PNGOC, Stekholda Spoting Patna, PNG Olimpik Komiti Eksekutyutiv Bod, Menesmen na Staf na olgeta sponsa long Nesanel Federesen level. Na tu mi no lus tingting long bikpela sapot we ol wan wan kosa, eksekutyutiv na famili i save givim, na dispela em i bikpela samting."

Em i tok moa olsem Papua Niugini em global komyuniti na ol etlit bai makim kantri na go resis long narapela kantri aninit long spot. "Mi strongim yupela long soim ol Olimpik velyu long taim bilong resis," Sir John i tok.

Long wankain taim, Sef de Misin bilong Tim PNG long Rio 2016, Emma Waiwai, i tok, "Mi gat bikpela amamas long go pas long yupela olgeta na Olimpik etlit bilong mipela long Rio Olimpik Gems. Mi tok tenkyu long yupela olgeta long mipela i winim dispela mak."

"Hat wok bilong yupela moa long sampela yia em nau i karim kaikai,

"Mi wantaim ol tim opisal bilong mi i gat bikpela amamas long yupela na mi tok aut long yupela olsem mipela bai helpim yupela na kamapim wanpela envairomen we dispela bai tok orait long yupela bai resis gut.

"Dispela em i namba wan taim bilong sampela etlit na yupela i mas amamas long olgeta taim. Sampela em i namba tu o moa taim bilong yupela long resis long Olimpik na yupela i mas kamapim nupela prensip.

"Tenkyu long ol famili husat i sapot strong long winim dri-man bilong ol etlit long kamap Olimpik etlit.

"Tenkyu tu long Nesanel Federesen long holim han bilong ol etlit na lukautim ol gut long kamapim dispela kain spot man na sapot meri.

"Bikpela tenkyu i go long PNGOC long sapotim mipela winim olgeta mak long go long Rio resis. Tenkyu long PNG Gavman na ol famili bilong mipela long sapotim tim bilong mipela long olgeta taim," Waiwai i tok.

## Eitpela etlit bai resis long Rio

TIM PNG bai go wantaim 8-pela etlit husat bai resis long 2016 Rio Olimpik Gems.

Jenerel Tim Menesmen bilong Tim PNG em; Emma Waiwai bai kamap Sef de Mision, Andrew Lepani em i Tim Lida, Dr. Bernie Amof em i Sif Medikol Opisa bilong Tim PNG, Mathew Natusch em i Tim Pisioterapis, Jason Pini em i Tim Potograpa na Sarenah Pini em i Olimpik Embaseda.

Ol Etletik em; Theo Piniau bai resis long 200 mita resis bilong ol man. Thoe i gro isi na kisim moa strong wantaim stail kala bilong em long ol yia i go. Em i brukim nesanel rekot bilong PNG na i stap long gutpela fom long resis long Rio na em i namba wan taim bilong em long resis long Olimpik Gems.

Toea Wisil bai ran long 100 mita resis bilong ol meri. Toea em i sempion rana bilong ol meri long PNG. Em i pait long kisim top level bilong wol insait long 10-pela yia. Dispela em i namba tu taim bilong em long resis long Olimpik Gems na namba wan resis bilong em long London 2012 Olimpik gems.

Thadius Katua bai resis long Boksen long 60 kilogram pait bilong ol man. Thadius i kamap namba wan long boksen long Papua Niugini. Em i bin soim kala bilong em taim em i winim gol medal long 2015 Pasifik Gems long Pot Mosbi. Na long wankain yia, em i setim histori long kantri taim em i kamap namba wan paita long winim gol long Komonwelt Yut Gems long Apia, Samoa.

Raymond Ovinou bai go long Rio aninit long 66 kilogram Judo resis bilong ol man. Dispela em i namba tu taim bilong Raymond long pilai long Olimpik Gems. Namba wan taim bilong em long pilai long Olimpik Gems em long London long 2012 na i kamap namba wan judo pilai bilong Papua Niugini. Olimpik resis long Rio em las gem bilong em bikos em i laik kam bek na kamapim nupela Judo Olimpik pilai

bilong PNG na sapotim ol long trening.

Ryan Pini bai resis long swimming long 100 mita bataflai. Ryan em i etlit bilong Papua Niugini husat i save winim mak long olgeta taim. Em i ekspiriens swima na em i resis long tripela Olimpik Gems na dispela em i namba foa Olimpik Gem bilong em. Na tu em i namba wan Olimpik swima husat i resis long ol fainel long Beijing, Saina.

Maxemillion Kassman bai pait aninit long 68 kilogram Taekwondo resis bilong ol man. Max em i yangpela paita husat i bihainim lekmak bilong papa bilong em, bipo PNG na Pasifik sempion na nau kosa bilong Taekwondo, Edward Kassman. Dispela em i namba wan taim bilong em long pait long Olimpik Gems.

Samantha Kassman bai pait aninit long 67 kilogram Taekwondo resis bilong ol meri. Samantha i save laikim Taekwondo na i stat terning taim em i liklik meri yet. Dispela Olimpik Gems em i namba wan taim bilong em long go pait na em i amamas long makim PNG.

Morea Baru bai go resis long 62 kilogram Weitlifting resis bilong ol man. Morea em i nupela weitlifta bilong Papua Niugini long resis long Olimpik Gems. Rio resis em i namba wan taim bilong em long Olimpik Gems, tasol bipo em i save resis long ol bikpela intanesenel iven tu.

Rio 2016 resis em i namba 10 taim bilong Tim PNG long pilai long Olimpik Gems. Long Olimpik histori, PNG i kisim ol etlit aninit long Etletik, Boksen, Judo, Seiling, Suting, Swimming, Taekwondo na Weitlifting. PNG i no winim sampela medol long ol dispela resis, tasol Ryan Pini i bin go insait long ol fainel long Swimming.


Long Sydney 2000 Olimpik Gems, Weitlifta bilong PNG, Dika Toa, i kamapim histori long namba wan meri long resis long weitlifting long Olimpik Gems.




**Theo Piniau** bai resis long 200 mita resis bilong ol man.




**Toea Wisil** bai ran long 100 mita resis bilong ol meri.




**Thadius Katua** bai resis long Boksen long 60 kilogram pait bilong ol man.



**Maxemillion Kassman** bai pait aninit long 68 kilogram Taekwondo resis bilong ol man.



**Raymond Ovinou** bai go long Rio aninit long 66 kilogram Judo resis bilong ol man.



**Ryan Pini** bai resis long swimming long 100 mita bataflai.



**Samantha Kassman** bai pait aninit long 67 kilogram Taekwondo resis bilong ol meri.



**Morea Baru** bai go resis long 62 kilogram Weitlifting resis bilong ol man.

# PNG Lewas i trening long resis long Wol Kap



OI PNG Lewas i amamas long kwalifai long resis long Wol Kap Kwalifaia long yia i kam long Inglan.

**CPL PNG Lewas i lukluk long go insait long bikpela trening long mekim wok redi long resis long Wol Kap kwalifaia long Inglan long yia i kam.**

Dispela trening i kamap bihain long ol i bin kamap top tim long Intenesenel Kriket Kaunsil (ICC) Is Esia Pasifik (EAP) Kwalifaia resis bilong ol meri i kamap long Samoa long dispela mun.

Kosa bilong Lewas, Rodney Maha, i tok olsem, nau ol Lewas bai brukim skru na trening strong long resis long 2017 Wol Kap Kwalifaia.

“Ol bai trening strong long olgeta eria bilong kriket spot long strongim ol yet bikos ol bai pilai egensim sampela ol namba wan kriket tim bilong ol meri long wol long European kwalifaia olsem Zimbabwe na Scotland,” Maha i tok.

“Mipela i ting olsem stat long nau i go inap long wol kwalifaia taim, mipela bai traim pilai sampela intenesenel resis na tu mipela bai go insait long bikpela trening long nara-

pela kantri.” Maha i tok tenkyu long ol spona long sapot bilong ol na mekim rot i isi long winim dispela mak.

Jenerel Menesa bilong Kriket PNG, Greg Campbell, i amamas long PNG Lewas i soim kala bilong ol na nau ol i kwalifai long Wol Kap kwalifaia resis bai kamap long yia i kam.

“Lewas i soim olsem ol i gat moa strong na daunim asples tim, Samoa, long graun bilong ol yet long kwalifai,” Campbell i tok. “Dispela em i namba wan stail na kala bilong ol Lewas na mi laik tok tenkyu long ol tim pilaia na opisal long dispela win.”

Em i skruim tenkyu bilong em tu long bikpela spona, City Pharmacy Limited, long bikpela sapot bilong ol.

Kepten bilong PNG Lewas tim, Pauke Siaka, i tok tenkyu tu long ol tim poro bilong em long ol i winim bikpela mak na strongim ol long lukluk long bikpela kwalifaia resis bai kamap long yia i kam.

# Ol Gaigais na Hammerheads i stap pas long sempionsip

KAPITAL Ragbi Yunion (CRU) Gaigais na Morobe Ragbi Futbol Yunion Hammerheads i skoim planti poin long wan wan konfederens bilong tupela bihain long raun namba wan bilong SP Expot b15s Ragbi Sempionsip.

Ol gem i kamap long las wiken bilong Sauten Konfederens long Sir Jogn Guise Stadium, ol Gaigais i daunim ol Daru Stingrays 30-3.

Long ol narapela resis i luk olsem CRU Boromas i daunim Oro Fuzzy Wuzzy Angels, 26-0.

Point lata bilong Sauten Konfederens i sanap olsem;

- 1 Gaigais wantaim 5 poin,
- 2 Boromas wantaim 5 poin,
- 3 Fuzzy Wuzzy Angels wantaim 0 poin na,
- 4 Daru Stringrays wantaim 0 poin.

Long Noten Konfederens gem i kamap long Lae em Hammerheads i daunim ol Isten Hailans Kilituas 10-5.

Poin lata bilong Noten Konfederens em;

- 1 Hammerheads wantaim 4 poin,
- 2 Kilitus wantaim 1 poin,
- 3 MRFU Morobe Tiger Sharks wantaim 0 poin na,
- 4 Madang Malabos wantaim 0 poin.

Long Niugini Ailan Konfederens, Nu Ailan Ragbi Futbol Yunion Drongos bai pilai egen-sim ol Is Nu Briten Ragbi Futbol Yunion Kaias long dispela wik long raun namba wan gem bilong ol long Rabaul.

Black Orchids long Atonomas Rijon bilong Bogenvil na Kimbe Rebels bai no inap pilai long NGI Konfederens.

# Fisamen Ailan: Tupela soka referi i skulim ol yangpela referi

FISAMEN Ailan Soka Asosiesen i kisim tupela soka referi long Pot Mosbi long givim wanpela de trening long ol yanpela pilaia long ailan.

Presiden bilong Fisamen Ailan (Moukele) Soka Asosiesen, na bipo NSL pilaia, Joel Keimelo, i salim pas i go long tupela referi long kisim trening. Tupela referi i skelim ol ekpiciens tupela i gat na skulim ol yangpela referi long ol i ken go pas na mekim disisen long taim bilong gem.

Papua Niugini i luksave long tupela referi, Salian na David, na tupela bai go pas long Osenia Gems na FIFA resis tu.

Tupela i pasim tok long ranim wanpela wik trening kos long ailan we ol pilaia i ken lukim olsem referi long bisoka em i narapela rot bilong wok wantaim soka.

Visen bilong Moukele Soka Asosiesen em “Pilaia soka olsem yu i save pilai bilong Christ long gem bilong yu, famili, komyuniti na sios”.

Long dispela resis, ol i no save pilai gem tasol, nogat. Ol 12-pela tim i save stap wantaim long wan wan wik komyuniti sevis program long klinim komyuniti na ol i save i gat wan wan mun baibel stadi long helpim ol yangpela pipel long gro long spiritual laip bilong ol.

Nau ol i go klostu long ol fainel we ol i gat tripela gem i stap yet na olgeta tim i resis long go insait long top 6.

Ol i givim tim nem bilong ol aninit long baibel olsem Grace, Glory, Emmanuel, Revival, Messiah, Alpha na Omega, Logos, Patmos Ailan, Joyful, Unity, Trinity na Blessing.



Referi i skulim ol yangpela pilaia husat i laik kamap referi.

# Anda-20: Sekyuriti plen bilong wol kap resis

OL i plenim sekyuriti long taim Papua Niugini i redi long go pas long Anda-20 wol Kap soka resis bilong ol meri long mun Septemba.

Ol i bin kamapim wanpela join komiti long redim sekyuriti em PNG Difens Fos, Kastoms, Nesenel Eapot Kopresen, Dipatmen bilong Transpot, Nesenel Maritaim na Sefti Atoriti, Nesenel Sekyuriti Edvaisori Kaunsil, PNG Paia Sevis na NCDC wantaim Royal Papua Niugini Konstabuleri bai go pas long sekyuriti long seifti bilong pablik.

Komiti bai wok long lukim ol wan wan ejensi i mas winim mak bilong FIFA we 60 pesen bi-

long sekyuriti pesenel em ol meri bai stap.

Sekyuriti plen bai lukautim ol tim husat bai pilai, ol sapota, intenesenel midia na ol bikman husait bai kam long Pot Mosbi long taim bilong resis insait long tripela wik.

Long wankain taim, LOC sekyuriti menesa, Hetahu Lohia, i tok, ol bai tokaut long yusim praivet sekyuriti kampani long pinis bilong dispela mun. Ol sekyuriti kampani husat i winim mak em ol bai tok save long pinis bilong mun Ogas na ol bai redim long ol hap bilong pilai, hap bilong trening na long ol hap bilong slip.

# Hunters i givim nem bilong 20-man skwat

*i kam long bek pes...*

“Mi tokim ol bois long wok strong bikos mipela i gat planti asua i stap we mipela bai stretim,” Marum i tok.

“Mipela bai pilai egensim ol Jets long Sarere na ol bai kam wantaim narapela stail bilong ol na mipela bai lukluk gut long dispela.”

“Ol i bin daunim mipela long las taim mipela i bin pilaia egensim ol long Ipswich na nau mipela i redi gut na soim narapela gutpela kala.”

Tripela pilaia bilong lista bilong ol skwat bai pilai long dispela wiken em ol bai rausim.

- |                  |                      |
|------------------|----------------------|
| 1 Bland Abavu,   | 4 Thompson Teteh,    |
| 2 Butler Morris, | 5 Adex Wera,         |
| 3 Justin Olam,   | 6 Ase Boas,          |
|                  | 7 Wartovo Puara Jnr, |
|                  | 8 Enoch Maki,        |
|                  | 9 Warren Glare,      |
|                  | 10 Esau Siune,       |
|                  | 11 Edward Goma,      |
|                  | 12 Adam Korove,      |
|                  | 13 Brandy Peter,     |
|                  | 14 Silas Gahuna      |
|                  | 15 Ishamel Balakawa, |
|                  | 16 Benjamin Hetra,   |
|                  | 17 Watson Boas,      |
|                  | 18 Henry Wan,        |
|                  | 19 Tuvi Lapan na,    |
|                  | 20 Thilemon Kimiseve |



**KAM YA:** Pilai meka bilong Isapea i ran wantaim bal na lukluk long sapot pilai bilong em long Digicel Kap ragbi wantaim ol Lae Tigers. Isapea i winim Tigers 20-16.



**LUSIM MI:** Pilaia bilong Tigers i traim ranawe long pilaia bilong Isapea taim ol bung long Digicel Kap ragbi pilai long Pot Mosbi.



**EM YA:** Namba 9 bilong Eastern Suburbs Tigers na Kepten Tommy Butterfield, i lukluk long pasim bal long taim ol bungim SP Hunter long Pot Mosbi. Tommy em hap PNG na bipo Kumuls pilaia.



**HOLIM GUT:** Adex Wera, bilong SP Hunters i traim pawa bilong em long tupela pilaia bilong Tigers. Hunters i winim Tigers 38-8.



**KAM LONG GEP:** Namba 7 bilong Hunterts, Wartovo Puara, i lukluk long wanpela gep long pasim bal taim pilai bilong Tigers i putim was long em.



**KAM KLOSTU:** Namba 9 bilong Vipers i lukluk long pasim bal long pilaia bilong em.




**BAI YU GO WE:** Ol pilaia bilong Hagen Eagles i stopim bikpela fowod bilong Mosbi Vipers. Eagles i winim Vipers.



**MI PALAI:** Fulbek bilong Pot Mosbi Vipers i palai antap na traim long abrusim ol pilaia bilong Eagles.

**OL POTO: NICKY BERNARD**



## DIANA Tuna

Niupela Swit Teist  
Nau Igat Moa Oil!



### PNG's ORIGINAL TUNA

**PNG MADE** Manufactured by:  
**RD TUNA CANNERS LTD.**

# Hunters i givim nem bilong 20-man skwat



Pilaia bilong Hunters  
i ran strong wantaim  
bal na pilaia bilong  
Tigers i laik takelim  
em. Hunters daunim  
ol Tigers, 38-8.

PAPUA Niugini SP Hunters i givim nem long ol 20 pilaia long pilai egensim ol Intras Supa Kap premia, Ipwich Jets long dispela wiken long asples bilong ol Hunters long Nesenel Futbol Stediam, Pot Mosbi.

Kosa bilong SP Hunters, Michael Marum, i no mekim sampela senis long ol pilaia bilong em. Marum i bihainim lainap bilong las wik resis egensim ol Easts Tigers, tasol em i mekim liklik senis. Em i rausim Timothy Lomai bikos em i kisim bagarap na putim Brandy Peter long kisim ples bilong Lomai. Watson Boas, Henry Wan na Tuvi Lapan i go bek gen long bens dispela i skruim namba i go antap long 20. Fainel tim em ol bai tokaut tomora sapos ol i mekim sampela senis.

Kepten bilong SP Hunters, Adam Korave, i tok em i amamas long pilai bilong ol long las wik we ol daunim ol Easts

Tigers, 38-8.

"Mipela i kam bek wantaim bikpela win em i gutpela samting bihain long mipela i lus long ol Dolphins long tupela wik i go," Korave i tok.

"Bihain long mipela i bin lus, mi tokim ol boi long tingim wanem hap mipela i bin mekim asua na pilai strong long ol gem i kam.

"Mipela i lukluk long banis bilong mipela taim mipela i redi long pilai egensim ol Tigers na mipela i stretim dispela. Tasol, i gat planti asua i stap na mipela bai stretim," Karove i tok.

Marum i tok moa olsem em i amamas long stail kala bilong ol Hunters.

Tasol, olsem Karove i tok, Marum i wanbel olsem i gat planti hap i stap yet long ol bai stretim bipo long stat bilong fainel.

...ridim moa long pes 26



# ISUZU N-SERIES

*the Perfect Business Partner.*